

# *TSHIMIMA TSHA PHALAPHALA*

 Kha ri kotamise zwifhaṭuwo zwashu. Murena, nga muñwe musi zwe ambiwa, nga vhafunziwa Vhau vha funwaho, "Ri funze u rabela." Ngauri musi ri tshi thoma u vhona Mudzimu muhulwane wa Ṭaḍulu, ri a limuha ndila ine ra vha vha songo eðanaho ngayo. Ngauralo ri funze u rabela, Murena, mbiluni dzashu zwino, u itela zwithu zwine—zwine zwa do vhuuedza kha Muvhuso Wau na kha vhalanda Vhau. Iwe u divha ðodea ya muthu muñwe na muñwe a re fhano.

<sup>2</sup> Huno hafha kha desike, matsheloni ano, hu na dzisagaduku na dzifasikoṭi, na phaselā ðukhu dici bvaho kha vha re na ðodea dza thuso ya muvhilini, na zwa hayani, na tshiñwe na tshiñwe tshine tshi nga vha tshone. Fhedzi Iwe u Mudzimu, na Mudzimu e ethe, Mudzimu a re wa ngoho e ethe a re hone. Huno ri a U humbela nga Dzina la Yesu, Murwa Wau a funwaho, uri U do fhodza muñwe na muñwe wa avha. Huno hu nga di vha na vhañwe fhano vha si na sagaduku fhano, kana phaselā, vha no ḥoda phodzo.

<sup>3</sup> Hu nga di vha na vhañwe nnđa kha tshaka dzothe, u mona na shango, vhane na iyi theiphi ya do vha yo teaho mahayani avho kana zwivhidzoni zwavho. Ri do rabela, Murena, uri musi tshumelo i tshi khou bvela phanda, ngei—ngei...kana theiphi i tshi khou lidziwa, kana vhuimo vhuñwe na vhuñwe vhune ri nga vha khaho, kana—kana nyimele, ngavhe Mudzimu muhulwane wa Ṭaḍulu a tshi hulisa uhu u fulufhedzea ha mbilu dzashu matsheloni ano, huno a fhodza vha re na ðodea, a vha nea zwine vha ḥoda.

<sup>4</sup> Ri fhaṭutshedze zwino kha tshumelo i ḫaho. Amba nga kha riñe, vhunga zwi sa athu vhuya zwa itea, u itela Muvhuso wa Mudzimu. Ri a lindela, Dzinani la Yesu, phindulo Yau. Amene.

<sup>5</sup> Naa ni nga nthusa nga itshi? [Mukomana Branham u sudzulusa zwithu kha phuluphithi—Mudz.]

<sup>6</sup> Ndi zwavhudzi u vha fhano tshivhidzoni hafhu matsheloni ano. Huno ndo vha ndi tshi kha di tou amba na dziñwe khonani dzine dici kha di bva u dzhena ngomu dici tshi bva ngei Ohio, kha musidzana mułuku, we a ñiswa ngeno fhasi miñwedzi i si gathi yo fhiraho, we a vha a tshi khou fa nga lukemiya. Vhathu vho vha vha tshi shaya nga maanda, vhabebi. Huno a thi na tshifhinga matsheloni ano tsha u vhala vhu—vhuñanzi vhu no khou ya kha faela. Fhedzi ngetshilaa tshifanyiso tsha uyo musidzana mułuku nga murahu ha mađuvha mararu, ndi tenda uri tsho vha hone, nga murahu ha müsi o no rabelelwa. Madokotela o mu nea mađuvha mararu fhedzi a u tshila, huno nga mađuvha mararu ngavhuya a vho ngo kona u wana

na vhutala hayo. Huno ngauralo u tshikoloni, o takala nga maanda. Ndi na ngoho ya mirađo ya tshivhidzo musi ro vha ri nae hafha lufherani.

<sup>7</sup> Nahone na lushie luṭuku lwe lwa bebwa lu na mala, nga u tou ralo, nga nnda. Nga inwe ndila madokotela, na iyi nyimele thukhu ya ndila ye mala a vha o vhumbiwa ngayo, ho ngo kona u vhuyedzedzwa murahu hafhu. Vho vha vha tshi ofha u kwama tshithu tshiṭuku, tsho vha tshi tshi tou vha lushie lu tsha di bva u bebwa. Huno zwino, muthu muṭuku u ḥodou fhedza የwaha, ndi a humbulela, tshiñwe tshithu tsho raloho, e na mala a nomala, tshiñwe na tshiñwe tshi tshi tou vha nomala sa zwine tshi nga vha ngaho. Tshi tou vha tshilidzi tsha Mudzimu, uri Ene ndi wavhuđi hani kha riñe.

<sup>8</sup> Zwino, የamusi, ndo vha ndi tshi ḥoda u ደivhadza zwauri muṭangano we ra vha ri tshi khou u puļana, ndo vha ndi tshi khou puļana u ya kha uyu nga vhege i tevhelaho i ደaho kha ልa—kha ልa Afurika, hangei na Mukomana Joseph Boze, kha ልa Kenya na Tanganyika. A ri khou kona u vha na muṭangano, ri na thelegiramu i bvaho murahu kha Mukomana Boze, “Vhege yo fhiraho vhafunziruňwa vhashu vhararu vho vhulawa, nahone vha pondiwa.”

<sup>9</sup> Huno vha khou vha na mvutshelano henengei zwino. Huno makomunisi a khou dzenisa zwigidi nga ndila ya tshidzumbe kha vhongwaniwapo, vha tshi amba uri vha na magungwa a u rea khovhe o dzulaho u mona hothe, Red China na Russia; huno vha tshi isa zwigidi kha vhongwaniwapo, huno a vha ደivhi zwa khwine nga nn̄da ha u zwi shumisa fhedzi kha tshiñwe na tshiñwe tshine vha vhona uri vha nga zwi shumisa khatsho. Ngauralo, henengei, mu—mu—muvhuso wo elekanya uri zwi nga si vhe zwo teaho u vha na muṭangano nga tshino tshifhinga. Huno vhunga ndi tshi pfecta, na nne-vho, uri Mukomana Boze a nga si kone na u vulisa tshikolo tshawe kha uvhu vhupo, he nda vha ndi tshi khou ya hone, nga tshino tshifhinga. Fhedzi a zwo ngo thuthiwa, zwo tou fhiriselwa phanda u swika vha tshi kona u li ladza hafhu.

<sup>10</sup> Ndo takala nga maanda matsheloni ano u vhona, vhukati hashu hafhu, u sa vha hone lwa miñwaha minzhi, Mukomana Jackson, Mukomana Sidney Jackson na Khaladzi Jackson, vha bvaho Afurika-Tshipembe. Naa vho amba? [Murathu Neville u ri, “Ee”—Mudz.] Huno avha vhatu vho vha vhe vhakomana vhanga vha vhukuma na khaladzi, nahone vhashumisani kha fulo kha ልa Afurika-Tshipembe, kha lwendo lwa u fhedza hangei. Zwine, ri a fulufhela zwauri liñwe የuvha, nga tshilidzi tsha Mudzimu, u vhuyeleta ri navho hafhu, ngauri zwi na ትhōdea.

<sup>11</sup> Huno ndo vha ndi tshi khou lingedza lwa miñwaha ya ትahe u humela murahu. Fhedzi, nga የwambo wa madzangano, na zwiñwe-vho, vha nga si ntendele u vhuyeleta. Ngauralo ndo

vha የwalela luわwalo hu si kale, huno nda ri, "Zwenezwo i ri ni malofha a iyo mimuya yo xelaho a vhe kha vhoinwi huno hu si kha nne." Ngauri, ndi a tenda uri Mudzimu o vha a tshi khou ታoda u shumisa mushumo wanga hangei, u itela avho vhathu, ኈwa tshinwe tshifhinga-vho. Huno nga phambano ya dinomineisheni yavho, vha nga si ntendele u vhuya murahu. Fhedzi, zwo luga, Murena u የdo londa izwo.

<sup>12</sup> Zwino, zwine nda tama u zwi amba matsheloni ano, ndi zwauri arali Murena a tshi funa, Murathu Neville o nkhumbelu u vha na dzitshumelo madekwana a ንamusi, nahone kha Thaberanakele. Ngauralo riء... Vhoinwi ni a rambiwa nnda. Huno zwenezwo Swondaha i tevhelaho, Murena a tshi funa, nne ndi tea u vha fhano, na nne-vho; zwenezwo khamusi kha Swondaha mbili kana tharu dzi tevhelaho, nga nthani ha u sa vha hone ha iyi, hu u thuthwa ha uyu muঁtangano we wa vha u tshi khou lugiselwa.

<sup>13</sup> Zwino, na rine ri do takalela u amba, zwauri, ndo ri khamusi ri የdo rera Phalaphala Dza Sumbe nga tshino tshifhinga. Ro mangala uri ri khou yo zwi ita hani nga vhuhulu ha tshifha то vhu songo ይданаho na u dzindelwa nga tshirothodzi tsha maya, a hu na maya lufherani. A lu athu lugiselwa u rothodzwa ha maya. Huno ro lingedza u hira itsi tshikolo ngeno nthi, tshi re na tshirothodzi tsha maya, tshi no dzudza vha no swika... Oo, a thi ደivhi; ndi fhetu havhudu ha vhudzulo, tshikolo tshavhuđi nga maanda. Fhedzi ro kundelwa u wana tshithu.

<sup>14</sup> Huno, zwi የdo ralo, vha የdo ri የnea vhege i daho. Fhedzi, vhege i daho? Ni a vhona, hu na vhurumelwa vhu no khou የda vhu tshi bva kha zwipida zwo fhambanaho zwa shango; vhu bvaho Jamaica, na vhu bvaho kha Zwitangadzime, na vhu bvaho tshipembe, na ngei Amerika-Tshipembe, na Canada, na Mexico, na kha tshaka dzothe. Huno ro rumela nnda dzindivhadzo nga Musumbuluwo, zwenezwo a vho ngo dzi wana u swika nga ሽavhuraru kana ሽavhuንa; huno ra tea u humbelu tshifhinga tsha u awela, na zwiñe-vho, zwine zwa የdo zwi posela nnda.

<sup>15</sup> Vhege dzi tevhelaho, u ya phanda, u swika kha tshifhinga tsha tshikolo, ndi zwone, ni የdo tea u i dzhia vhusiku vhuthihi, huno zwenezwo na awela khamusi vhusiku vhuthihi kana mavhili, zwenezwo na bvela phanda hafhu, zwenezwo... Ro tou sa kona u ita hezwo. No kundelwa u zwi kona.

<sup>16</sup> Ndo mangala uri ndi ngani, ngeno ndo rabela ndo difunga. Huno zwenezwo tshifhinga tshi tsini tsha uri ri humele murahu ngei Arizona hafhu, u itela vhana uri vha dzhene tshikolo. Huno zwenezwo riء... Ndo vha ndi tshi khou amba na mufumakadzi.

<sup>17</sup> Huno, zwo ralo, mulovha ndo dzhena ngomu lufherani, huno nda ri, "Murena, ndi—ndi nga kha ደi si shumise maipfi manzhi nga maanda, fhedzi, pfectesa, ndi a humbelu, Mudzimu,

zwine nda khou zwi amba mbiluni yanga. Naa thaidzo ndi mini tshiñwe na tshiñwe tsho tumuliwa kha u rera idzo Phalaphala?" Huno zwenezwo A ḏa huno a zwi dzumbulula. Huno zwino, matsheloni ano, ndi ḫoda u amba na vhoiñwi nga ha tshiitisi ndi ngani.

<sup>18</sup> Huno zwino riñe kha ri, vha re na Dzibivhili huno ri tshi ḥo takalela u—u, fhemba Bivhili dzashu. Ri ḥo thoma ra vula kha Levitiko, ndima ya vhu23 ya Levitiko.

<sup>19</sup> Arali Murena a tshi funa, madekwana a ḥamusi ndi khou yo rera nga ha thoho: *U Ya Nnda Ha Mushasha*. Huno i ḥo vha pfufhi, nahone uri ni kone u vha na tshifhinga tsha u humela murahu kha mafhethu aŋu a mushumo.

<sup>20</sup> Ri takalela u vhona vhaeni vhe ngomu, vhatu vha bvaho nn̄da ha dorobo. Naa ndi vhangana vhatu vha bvaho nn̄da ha dorobo vha re fhano, musi ro sedza? Phesente dza fuṭahēṭhanu, iina, phesente dza fuṭahemalo dza tshihidzo. Ngauralo, ni a zwi vhona uri a si Jeffersonville, ndi vhatu vha no ḏa ngomu Jeffersonville, vha no ita... Ri fhano nga tshilidzi tsha Murena.

<sup>21</sup> Huno zwino ndi ḫoda u vhala mafhethu mararu, matsheloni ano. Huñwe hao hu wanala kha Levitiko ndima ya vhu23, huno huñwe hu kha Yesaya 18, na Yesaya 27, inwi a no khou zwi ñwala fhasi.

<sup>22</sup> Huno zwino vhudzuloni ha u rera... Murena a tshi funa, ndi ḥo ita hezwo madekwana a ḥamusi. Fhedzi ndi ḫoda u funza, matsheloni ano, nga ha tshimima tsha phalaphala dza sumbe. Zwine, uyu ñwedzi ndi tshimima tsha phalaphala dza sumbe, u thoma... nahone une wa vha ñwedzi wa vhusumbe, une wa ḥo vha Fulwana nga ḥa vhu15, ho vha hu u thoma ha tshimima tsha phalaphala, kha milayo ya Levitiko.

<sup>23</sup> Zwino, huno arali ni na mabammbiri aŋu na zwithu, huno ni tshi tama u ñwala fhasi Mañwalo na mañwalwa, na zwiñwe-vho, ri tshi khou ḫi bvela phanda.

<sup>24</sup> Hu na tshithu tshithihi kha uyu muṭangano, hu a fhisa, huno izwo ro zwi ḫowela lwa minwaha. Fhedzi muñwe a nga ḫi elekanya uri ndi tenda uri musi ri tshi dzhena ngomu tshifhaṭoni itshi ri gumisa tshifhinga, khamusi, nahone lwa tshipida, u dzhia sia kha Vhutshilo-tshoṭhe, ndila ine nda fareledza vhatu. A thi khou amba uri zwi nga iyo ndila. Fhedzi ndi tenda uri ri khou tshila tsini nga maanda na U ḏa ha Yesu, lune nda tea u shumisa muniti muñwe na muñwe zwavhuđi ndi na vhatu fhethu huthihi.

<sup>25</sup> Huno ndo vha ndi tshi khou elekanya, musi ndo vha ndi tshi khou reila ndilani tshifhinganyana tsho fhiraho, ndo vha ndi nn̄da u itela thabelo ḫukhu ndi sa athu dzhena kha phuluphithi, vhunga muñwe mufunzi-vho wa vhukuma a fulufhedzeaho a tshi ita. Ndo vha ndi tshi khou elekanya, "Ni a ḫivha, ri na tshifhinga tsha vhugala nga maandesa musi ri tshi kuvhangana

hafha rōthe! Fhedzi, huno vhathu vha tshi kuvhangana vha tshi bva mashangoni manzhi, vho dzulaho henehfa ngomu zwino, vha tshi bva kule-kule, maela dza madana na madana, huno ra kuvhangana rōthe uri ri vhe na vhutama kha Ipfi. Fhedzi hu dō da tshifhinga, hu si kale, musi izwi zwi tshi dō tou vha nyelelwo i si tsha shumaho.” Izwo ndi zwone.

<sup>26</sup> Izwi zwifhinga zwi dō dzhiwa kha riñe, ngauralo-ha ri fanela u ita zweithe zwine ra ñivha ndila ya u zwi ita, u ita uri izwi, muniti muñwe na muñwe, zwi vhe zwa ndeme. Huno elekanyani nga ha izwi zwino, musi ri tshi khou tambula kha mufhiso wa nga matsheloni. Huno, ni a ñivha, muvhili muñwe na muñwe wa muthu ndi mu—mutshini wa mufhiso, wone uñe, huno u a ni kondisela nga maanda. Huno, fhedzi ndi ḥoda inwi ni tshi wana Ipfi.

Zwino, zwenezwo ri—ri sa athu vhala, kha ri rabele.

<sup>27</sup> Murena, vhathu vhanzhisa ngomu hafha vhane vha kona u sudzulusa zwanda zwavho, vha nga kona u fhenda masiañari a iyi Bivhili. Fhedzi hu na Muthihi vhukati hashu matsheloni ano ane a nga kona u I vula; uyo ndi Muya Mukhethwa muhulwane, a re vhukati hashu. Ri vulele Ipfi, Murena, musi ri tshi vhala, vhunga Wo ita kha vhafunziwa, musi vho vha vhe ndilani yavho ya u ya Emausi, huno wa thoma u vha talutshedza Mañwalo. Huno ngavhe riñe, musi ri tshi tuwa, ri ambe vhunga avho vha no khou vhuya Yerusalem vha tshi bva Emausi, “Naa mbilu dzashu a dzo ngo swa ngomu hashu musi A tshi amba na riñe ndilani?” Ngauri ndi nga Dzina la Yesu hune ra zwi humbelo. Amene.

Kha ri ime ri tshi hulisa Ipfi.

<sup>28</sup> Zwino, thoho yanga matsheloni ano ndi: *Tshimima Tsha Phalaphala*. Ndi ḥoda u vhala zwino u bva kha ndimana ya vhu23 ya ndima ya vhu23 ya Levitiko.

*Huno MURENA a amba na Mushe, a ri,*

*Amba na vhana vha Israele, u ri, Nga nwedzi wa vhusumbe, na nga duvha la u thoma la nwedzi, ni do vha na sabatha, tshihumbudzo tsha u lidza phalaphala, u kuvhangana hukhethwa.*

<sup>29</sup> Zwino kha Bugu ya Yesaya, u thoma nga ndimana ya 1 ya ndima ya vhu18, iy i ya zwi t̄umekanya zweithe.

*Khombo kha shango la ma-bvuma-dziphapha, line la vha seli ha mulambo wa Kushi:*

*Line la ruma vha-disa-phungo nga lwanzhe, na one magungwa a thanga n̄ha ha mađi, hu tshi pfī, Tshimbilani, vhoñwi vhadinda vha luvhilo, kha lushaka lwo balanganaho...lwo swotolwaho, lwo bvaho kha vhathu vha ofhisaho...lushaka lwo nokaho huno lwa kandekanya wa fhasi, lwe shango la lwo la tshinyadziwa nga mulambo!*

Huno vhoiñwi vhadzulapo vhoñthe vha shango, na vhadzuli kha liphasi, vhonani vhoiñwi, musi a tshi takulela n̄tha tshiga n̄tha ha thavha; na musi a tshi lidza lufhalafhala, ni pfe.

<sup>30</sup> Kha Yesaya 27:12 na 13.

Huno zwi do ña zwa khunyelela nga ilo duvha, zwauri MURENA u ño fhula u bva kha ndila ya mulambo u ya kha milambwana ya Egipita, huno ni ño kuvhanganywa nga muthihi nga muthihi, Oo vhoiñwi vhana vha Israele.

Huno zwi do ña zwa khunyelela nga ilo duvha, zwauri lufhalafhala luhulwane lu ño lidzwa, huno ni ño ña vhoiñwi no lugelaho u lovha shangoni la Asuri, na vho pandelwaho shangoni la Egipita, huno ni ño luvha MURENA thavhani khethwa ngei Yerusalem.

<sup>31</sup> Kha ri rabele hafhu. Murena, fhañtshedza aya Maipfi kha mbilu dzashu. Ngavhe mihibulo yashu na ngelekanyo yashu zwi tshi vha u ya nga u ramba Hau. Dzinani la Yesu. Amene.

Ni nga dzula.

<sup>32</sup> Hu na zwithu zwinzhi nga maanda zwine mufunzi a takalela u zwi vhudza tshivhidzo tshawe tshine a tshi funa, tsha vhatu vho fhambanaho vha bvaho mafhethu o fhambanaho, zwine zwi sa ño tendelwa nga n̄thani ha tshifhinga.

<sup>33</sup> Zwino ri tshi swikelela iyi thoho, ri ñoda vhoiñwi ni tshi pfa no vhofholowa. Huno vhanzhi vha vhoiñwi no ima; huno musi ndi tshi fhira, holo dzo vha dzo dala, na nga nn̄da ha miñango, na nga phanda, na u mona na tshifhañ, na u mona na mbondo. Ngauralo, zwino, arali ni tshi ñoda u tshintshana madzulo, izwo zwi ño vha zwavhudí.

<sup>34</sup> Zwino, *Tshimima Tsha Phalaphala*. Zwino, iyi yo vha i khuvhangano ya Israele, he vha vha vho kuvhangana hone, tshimima tsha phalaphala.

<sup>35</sup> Zwino, ndo vha ndi tshi khou lavhelela nga tshiñwe tshifhinga u—u amba nga ha thoho ya Phalaphala Dza Sumbe kha Bugu ya Nzumbululo. Huno zwino ri khou yo dovha u i sedza iyi, lwa tshikhathinyana fhedzi, u bvisela mn̄da tshivhangi tsha vhukuma tsha u sa amba hanga nga tshino tshifhinga, ngauri Muya Mukhethwa a wo ngo ntendela u amba nga tshino tshifhinga nga ha izwi zwithu. Ndi a zwi ñivha uri izwo zwi pfala zwi songo vhibva nga maanda, khamusi, kha vhatu vho funzeaho nga maanda nahone vha re na pñseso, fhedzi kha Mukriste zwo fhambana. Riñe—riñe ri tevhela u khadiwa nga Muya, honoho fhedzi.

<sup>36</sup> Zwino, ndi thoma u dzhiela nzhele kha u rerwa ha Zwikathi Zwa Sumbe Zwa Tshivhidzo, hune ha vha

ku—kuitele, kana u bvumba zwi daho zwe the zwothe zwe Mudzimu a vha a tshi khou yo itela zwivhidzo, na nga kha zwivhidzo, nahone a tshi zwi vhea vhuimoni.

<sup>37</sup> Ndima tharu dza u thoma dza Bugu ya Nzumbululo dzi dzumbulula zwiitea zwe the kha Tshivhidzo. Zwenezwo, u bva nga ndima ya vhu3 u ya kha ndima ya vhu19 ya Nzumbululo, a hu tsha vhonwa Tshivhidzo. Tshivhidzo tshi ya nthā kha ndima ya vhu4 ya Nzumbululo, huno tsha vhuya murahu kha ndima ya vhu19 ya Nzumbululo, Muselwa na Muhwe, vhe vhothe, vha tshi khou da kha liphasi. Huno zwenezwo u bva kha ndima ya vhu19 u swika nga ndima ya u fhedza ya vhu22, yothé i amba nga ha Nwahagidi na zwine zwa do vha zwone kha miñwaha i no do u tevhela. Kha ya vhu4 u swika kha ya vhu19, Mudzimu u khou shuma na Israele.

<sup>38</sup> Zwino, zwenezwo, musi ro no fhedza nga ha bugu ya nzumbululo ya tshivhidzo, zwe Mudzimu a ita kha izwo zwivhidzo zwa sumbe, zwe nga itsho tshifhinga zwa vha zwi kha vhutshetshe hazwo, kana murunzi wazwo, ngei Asia Minor. Zwenezwo Muya Mukhethwa wa dzumbulula nahone wa ri vulela zwiphiri zwe the zwi re ngomu Henehfo, zwa ndila ye A disa Tshivhidzo Tshawe nga kha divhazwakale. Huno arali ni si na *Zwikathi Zwa Sumbe Zwa Tshivhidzo* kha theiphi, zwi do vha zwavhuđi arali no zwi thetshelesa. Huno hu si kale zwi do vha nga tshivhumbeo tsha bugu.

<sup>39</sup> Zwenezwo ndi tshi khou tou zwi litsha kha hezwo, nahone ndi tshi dzhia uri nga murahu ha tshifhinganyana ri do rera nga ha Mapfundo, ndi sa divhi zwe Mapfundo a vha e zwone.

<sup>40</sup> Ndo vha na muhumbulo wanga, vhunga mushumeli muñwe na muñwe, wa u vhala khamusi zwe muiwe a amba; nahone ndi tshi tenda zwinzhi u ya nga hune nda kona, navho, kha zwithu zwe vha zwi bveledza, kha magumo avho. Ndo vhala bugu ya Vho-Smith, Uriah Smith, vhane vha vha mudededzi wa Adventist, huno ndo no vhala mihumbulo yavho—yavho nga hazwo. Nahone ndo no vhala Vho-Larkin. Ndo no vhala, oo, minzhi nga maanda yo fhambanaho, ya khomenthari dzavho nga ha Iyi. Fhedzi, nga inwe ndila kana inwe-vho, ndo elekanya uri ndi na mbo—mbonalo thukhu yazwo, nne munę, ine i nga vha yo fhambanaho kha mafhethu. Fhedzi ndi tshi khou lingedza nga tshiñwe tshifhinga, ndi tshi khou tou amba thoho tharu, ya u thoma...kana thoho nna dza vhanameli vha bere vhaga. Ndo rera nga hadzo lwa masiku maña, vhuthihi nga ha bere nthihi, na inwe.

<sup>41</sup> Fhedzi zwenezwo musi zwi sa athu bvelela, ndo newa bono, li re kha theiphi, vhunga nothe ni tshi zwi divha, *Vhane Vhanga, Naa Ndi Tshifhinga-de?* la uri ndi tea u ya ngei Tucson, Arizona. Huno henengei murahu ha phanga, nthā ngomu ha thavha, he nda vha ndi na vhañwe vharathu, huno

ndo amba nga ha muthuthubo muhulwane une wa do vha hone, huno nda... Vharuňwa vha sumbe vha tsela fhasi. Nne ndi tshi elekanya, nne mune, uri ho vha hu magumo a vhutshilo hanga; nda vhudza mufumakadzi wanga u vha na Billy, na zwine a tea u ita nga ha vhana, na zwiňwe-vho, u swika ri tshi ḥangana hafhu kha liňwe sia.

<sup>42</sup> Zwenezwo liňwe duvha ngomu Sabino Canyon, musi Mudzimu o mmbidza nga matshelonitsheloni ngei ntha, ndo vha ndi ntha na zwanda zwanga zwi tuyani, ndi tshi khou rabela, huno banga la da ngomu zwandani zwanga. Ni a zwi divha hezwo. Nda ima heneffo huno nda li sedza, li tshi tou vha la mvelo vhunga tshanda tshanga tsho ralo zwino, ndi sa divhi zwe zwa vha zwi tshi amba zwone. Huno la ntutshela nga Ipfi le la ri, "Ili ndi Banga la Khosi." Huno zwenezwo, ngavhuya, musi Muruňwa wa Murena o zwi dzumbulula, Lo vha li Ipfi tshandani.

<sup>43</sup> Nga u ḥavhanya nga murahu ha hezwo, Vharuňwa vha Murena vha bvelela huno vha amba nga ha Phalaphala Dza Sumbe... kana Mapfundo A Sumbe, uri ndo vha ndi tshi tea u humela murahu fhano Jeffersonville huno nda rera Mapfundo A Sumbe. Huno, heneffo, arali ndo vhuya nda amba tshiňwe tshithu tshe tsha vha tsho hevhedzwa, tsho vha tshi kha hayo. Heneffo he Muruňwa wa Murena a ḥangana na riňe, huno Bivhili ya vha Bivhili ntswa. Heneffo A vula nahone a dzumbulula zwithu zwe zwothe vhashandululi na zwithu vha zwi sia. Ho vha hu nzumbululo yo vuledzeaho ya Yesu Kristo, tshothe-tshothe ntswa kha riňe, fhedzi yo fhelelaho kokotolo na Luňwalo. Illo lo vha li Ipfi le la vha li hone tshifhinga tshothe. Ndo vha ndo hevhedzwa nga maandā nahone ndo laedza.

<sup>44</sup> Zwenezwo musi ndi tshi da kha itshi tshipiда hafha, tsha u rera Phalaphala Dza Sumbe, nda elekanya, "Zwo luga, a thi nga lingedzi u elekanya tshiňwe tshithu. Ndi do tou lindela u swika nga itsho tshifhinga huno nda Mu tendela u zwi dzumbulula kha nne." Huno zwenezwo mulovha musi ndo vha... Nda dzhena lufherani huno ndi tshi mangala uri ndi ngani... Kana, pfarelo, ho vha hu mbamulovha. Musi ndi tshi dzhena ngomu lufherani, nda lingedza u pfesesa, ho vha hu heneffo he Muya Mukhethwa wa vula izwi, u ntsumbedza tshiitisi tsha uri ndi ngani dzi si na mbuelo kha Tshivhidzo nga tshino tshifhinga, ngauri a dzi na mushumo na Tshivhidzo, na luthihi.

<sup>45</sup> Zwino, zwiphiri zwo dzumbamaho zwa Kristo zwo dzumbululwa nga vhudalo kha Mapfundo A Sumbe.

<sup>46</sup> Wo dzumbulula, u thoma, Zwikhathi Zwa Sumbe Zwa Tshivhidzo, wa vula zwikhathi huno wa zwi vhea kha vhuimo, nga divhazwakale na Bivhili vhuvhili hazwo, huno wa zwi vhea kha vhuimo, ndila ye zwa vha zwi ngayo. Huno ro diwana kha tshikhathi tsha u fhedza tsha tshivhidzo, tshi Tshikhathi

Tsha Tshivhidzo Tsha Laodikea, tshe tsha vha tshi tsho tshinyalesaho kha zwikhathi zwa tshivhidzo zwēthe. Na u bva kha tshenetsho tsha u thoma, tshi bvaho kha Vhaefesa, tsho vha tshi tshikhathi tshihulwane tsha tshivhidzo.

<sup>47</sup> Huno zwenezwo ndila ye, hafha, Muya Mukhethwa u tshi n̄ea bono, huno ndi tshi vhona tshi no do itea, nda ola kha bodo ya u nwalela, miñwaha mivhili yo fhiraho. Ngetshi hafha n̄ha kha muolo, nga ha ndila ye Tshedza tsha vha tshi tshi khou ngalangala kha liphasi, ine ya do vha kokotolo ndila ine Tshedza tsha da kha liphasi, sa Mafhungo-madifha, na ndila ine Tsha do ngalangala ngomu na nda. Ndi sa khou zwi ñivha, nga itsho tshifhinga, zwe zwa vha zwi tshi amba zwone na ndila ine zwa do vha ngayo.

<sup>48</sup> Fhedzi shango la u vhuedzanya lihulwane lo vha na mu—muñangano na Roma; nahone Roma, ine ya v̄ha mme a madzangano ōthe. Mupapa, lwa u thoma kha ñivhazwakale, o tuwa Vatican huno a ya Yerusalem na mafhethu manzhi. Zwino, Yerusalem ndi tshidzulo tsha kale tsha vhurereli hashu hōthe, ndi Yerusalem. Huno kha itshi tshidzulo tsha kale, mupapa a bvaho Roma, we a vha swina lihulwanesa la Tshivhidzo la zwifhinga zwēthe, u a tuwa uri a de u dalela Roma... kana u bva Roma u ya Palestina, Yerusalem.

<sup>49</sup> Huno vhunga ri tshi vhona, ndi songo funzea, nne mun̄e, ndi sa ñivhi ma—maipfi na ndila ya u a amba, nne tshifhinga tshōthe ndo funza nga zwifanyiso, nga zwiitele zwa mvelo. Mvelo i do tevhela mvelo. Mvelo ndi ya Mudzimu.

<sup>50</sup> Musi ni tshi dzhia tshifhinga musi dzikholomo, dzi tsimuni, dzōthe dzi a kuvhangana fhethu huthihi khudani ya tsimu, na bvisa lutsinga lwanu lwa u rea khovhe madini; khovhe i nga si lele. Ni nga si dzi fashe na kathihi; ni a vhona, kholomo dzi khou awela; nn̄dani ha musi zwi tshi do sokou itea na posela heneffho phasi kha vhulalo ha nthihi. Fhedzi musi kholomo dzi tshi ya u dikanzwa, sedzesani. Nga tshifhinga tshenetsho tshithihi musi kholomo dzi tshi ita izwo, zwiñoni na zwone zwi do ya mirini; dzi do litsha u dikanzwa. Ni a vhona, ndi mvelo. Zwayo zwēthe zwi a vangana. Inwi dzhielani nzhele dzinotshi, nga itsho tshifhinga, dzi khou ñona kha mutoli wadzo, dzi sa khou a kuvhanganya. Mvelo yōthe i shuma yōthe.

<sup>51</sup> Huno ngauralo-ha, vhunga ri tshi vhona muri u tshi wisa tari, hu si kale nga maanda zwino, kha miñwedzi i si gathi i tevhelaho, tari li do tutshela muri. Huno vhu—vhutshilo, sama, vhu do tsela phasi ngomu mudzini. Huno tari la muri li do paðuwa huno la wela mavuni nahone la sina. Huno khalisiamu na—na potasi, nahone dzi kha tari la muri, dzi do sinela mavuni. Huno ho bvelelani? Vhutshilo ho ya phanda halo, huno vhu do li mamela murahu ngomu haho, huno ha vhuisa ilo tari murahu hafhu. Ndi lufu, u swiñwa, na muwoo.

<sup>52</sup> Huno mvelo yoṭhe! Huno niwedzi ndi—ndi mufumakadzi wa ḫuvha. Ndi tshedza tsho ṭukufhalaho. Huno zwenezwo, nahone, musi ḫuvha lo no ṭuwa, hu si na ḫuvha, niwedzi u vhonisa tshedza kha liphasi, ḫine la vha tshifanyiso tsha tshivhidzo. Huno musi mupapa a tshi ṭuwa, swina la kale la tshivhidzo, huno a da ngeno Yerusalem, une wa vha tshidzulo tsha tshivhidzo; zwine, Yerusalem muswa na Yerusalem wa kale; ri dzhieila nzhele, a sa athu zwi ita, ho vha ho swifhala tshoṭhe ha niwedzi.

<sup>53</sup> Huno kha dzibammbiri, kha lushaka lwoṭhe vhunga ri nazwo kha bodo, dzo ḫana ndila ye uyo niwedzi wa shanduka wa bva kha tshedza wa ya kha swiswi. Huno zwenezwo zwiitea zwawo, zwe uyo niwedzi wa ola kokotolo, ngei lutomboni, zwenezwo zwithihi zwe Muya Mukhethwa wa ita uri ndi ole hafha miñwaha mivhili yo fhiraho, nahone u tshi khou sumbedza... wo fukedza... Musi i tshi dzhia zwifanyiso zwa rathi, nda vhea tsha vhusumbe heneffo n̄tha, ngauri tshikhathi tsha vhusumbe tsha tshivhidzo, tshi tou vha murunzi wa Tshedza, u ṭuwa ha... Afho ndi hone hune Yesu, muñangoni, a tshi khou khokhonya. Fhedzi tshi dzhena ngomu ha swiswi tshoṭhe.

<sup>54</sup> Huno ndi u vhonisa-de, ndi Mulaedza-de u bvaho ha Mudzimu Ene muñe, zwine izwi zwithu ndi Ngoho! O zwi ḫanzielela u thoma kha Ipfi Lawe, zwenezwo nga Muya kha pulatifomo, huno zwenezwo a zwi ḫanzielela ngei mañadulu. A hu na khakho malugana nazwo na luthihi. Ayo Mapfundu na Zwikhathi zwi andana lwo fhelelaho, lwo fhelelaho, Mudzimu a tshi khou nea vhuñanzi nga zwiga zwa n̄tha ha mupo na zwimangadzo, na Ipfi na dihvazwakale, zwoṭhe zwe vhewa fhethu huthihi, kha tshikhathi tshine ra khou tshila khatsho zwino.

<sup>55</sup> Zwino zwi a konda kha zwivhidzo u vhona izwi. Zwi a konda kha dzidinomineisheni u zwi vhona. Tshifhinga tshoṭhe vha lingedza u elekanya zwauri ni khou lingedza u hambekanya vhatu. Inwi a ni khou ralo; ni khou lingedza u tsivhudza vhatu. A si u lingedza u vha muvhi khavho; ni khou lingedza u vha bvisa kha vhuvhī. A si vhatu vha re kha madzangano; ndi sisteme ine vha vha khayo, i no khou vha laña. Vhatu vha fhulufhedzeaho, vha fulufhedzeaho ndi vha Katolika, vha Porotestanti, vha Vhayuda, na vhañwe-vho. Ndi vhatu vhane—vhane...

<sup>56</sup> Vhanani a vha yi nduni ya vhurereli ya vhanani u vha vhasadzi vhavhi; vha dzhena ngomu heneffo u vha vhasadzi vhavhuđi. Vha khou lingedza u da tsini ha Mudzimu, fhedzi ndi sisteme i no khou vha tshikafħadza. Vhatu vha vha mirađo ya tshivhidzo, hu si u vha muthu muvhi, fhedzi u vha muthu wawħudi. Fhedzi ndi sisteme ya tshivhidzo i no vha kokodzela kule ha Ipfi na milayo ye Mudzimu a i vhetshela ḫino ḫuvha; huno iyo ndi yone ine ya vha bvisela nn̄da.

<sup>57</sup> Zwino elelwani, Mudzimu ndi Ipfi, huno tshikhathi tshiñwe na tshiñwe O kovha Ipfi u itela tshikhathi tshiñwe na tshiñwe tshi no do vha kha lifhasi. O Li kovha kha tshikhathi tsha tshivhidzo, huno Mapfundo A Sumbe o dzumbulula tshiñwe na tshiñwe Tshało. Ni a vhona?

<sup>58</sup> Ndi ngani ho vha...ho vha hu na zwiphiri zwa zwa vha zwi tshi kha di vha zwo dzumbiwa? Nzumbululo 10, ri wana uri, magumoni a Mulaedza wa muruñwa wa vhusumbe, zwauri, izwi zwiphiri zwa zwa vha zwo dzumbiwa zwi do dzumbululwa, Nzumbululo 10:1 u ya kha ya 7. Dzhielani nzhele, tshiitisi ndi uri a ho ngo vha na vhaporofita kha itshi tshikhathi. Bivhili yo amba, zwauri, "Mudzimu ha iti tshithu u swika A tshi zwi dzumbulula kha vhaporofita Vhawe, vhalanda Vhawe, vhaporofita." Huno Ipfi la Murena kha zwikhathi zweþe lo dela vhaporofita tshifhinga tshothe, hu si kha sisteme na kathihi, hu si kha tshigwada na kathihi.

<sup>59</sup> Na kathihi Mudzimu ho ngo shumisa tshigwada. Tshifhinga tshothe tshiñwe tshigwada-vho tsha vhatu tsho dzudzanya, Mudzimu o tshi tutshela nahone a si tsha vhuya na kathihi. Londani ðivhazwakale huno ni vhone arali izwo zwi zwone kana hai. Ro no di zwi ita. Na kathihi Ha shumi na sisteme kana tshigwada, nga murahu ha musi vho dzudzanya; zwi hanedzana na Mudzimu.

<sup>60</sup> Ngauralo-ha, tshifhingani tsha dzitshandululo, ho dzhena vhashandululi, vhunga Mapfundo A Sumbe o sumbedza uri zwo ralo. Fhedzi kha maduvha a u fhedzisela zwino, zwo vha zwi tshi tea u dzumbululwa hafhu. Ngauri, ri wana kha Luñwalo, kha Maleaxi 4, uri hu do vha na nñodzo i no tsela fhasi nahone u vhuyedzedza hafhu ulwo Lutendo lwa vhubvo, "na u ñisa lutendo lwa vhatu murahu kha pentekoste ya vhubvo, Lutendo lwa vhokhotsi."

<sup>61</sup> Huno ro dzhia Eliya wa u gidima ha u thoma; ro dzhia Elisha a no do mu tevhela; ro dzhia Yohane Mulovhedzi nga murahu ha avho, we a vha e Elisha wa ilo ñuvha; na pfulufhedziso ya muñwe kha lino ñuvha.

<sup>62</sup> Zwino, Yohane Mulovhedzi o vha e si Elisha wa Maleaxi 4. O vha e Elisha wa Maleaxi 3. Yesu o amba nga u ralo. "Vhonani, Ndi ruma muñinda Wanga phanda ha tshifhañuwo Tshanga, uri a lugise nñila." Ri mu wana e onoyo.

<sup>63</sup> Zwino, nga u ita nga u ralo, nga u wana uvho vhuimo, ri a zwi ñivha uri Luñwalo lwothe, lwo hevhedzwa nga Mudzimu, lu a ri dzumbululela uri ri kha ñuvha la u fhedzisela.

<sup>64</sup> Zwino, arali nda da na mulaedza wa Pentekoste, ndi tshi do vha ndi kha Tshikhathi Tsha Tshivhidzo Tsha Laodikea, huno u nga si vhe u wone.

<sup>65</sup> Itsho ndi tshone tsho itisaho uri Wesley a kundelwe u dzhia mulaedza wa Luther. Luther o vha e kha tshiñwe tshikhathi,

tshikhathi tsha tshivhidzo, huno Wesley o vha e kha tshiñwe tshikhathi. Arali Yesu o vha a tshi do vha o ña nga...e na mulaedza wa Mushe, wo vha u tshi do vha u songo shuma. Arali Mushe o vha a tshi do vha o ña na mulaedza wa Noaxe, wo vha u tshi do vha u songo shuma.

<sup>66</sup> Fhedzi Mudzimu o kovhela vhathu Vhawe—Vhawe—Vhawe, vha tshikhathi tshiñwe na tshiñwe, Luñwalo. Huno musi tshikhathi tshi sa athu thoma u vha hone, ngomu ha tshifhinga, zwenezwo zwivhidzo zwi vha zwo sokou tanganana lune zwa—zwa sa ñivhe hune zwa vha hone.

<sup>67</sup> Itsho ndi tshone tshi itisaho uri vha kundelwe u limuwa Yesu e Murwa wa Mudzimu. Vhone, maitele avho o pofudza maþo avho, fhedzi Ene o vha e kokotolo na Luñwalo.

<sup>68</sup> Vhaporofita vho vha vha tshi fana. Yesu o ri, “Ndi ufhi kha inwi, wa vhokhotsi anu, a songo kandaho nga matombo avho vhaporofita vhe vha rumelwa kha vho inwi?” Zwenezwo Mudzimu u rumela muporofita Wawe, u...huno muporofita ndi Ipfi li tshilaho la Mudzimu, o vhonadzwaho.

<sup>69</sup> Yesu o ri, “Naa ni nga Nkhañula hani, u ri, ‘Nñe ndi Murwa wa Mudzimu,’ huno vho inwi ni tshi vhidza, kha milayo yanu...No ri, avho vhe Ipfi la Murena la vha ñela,” vhe vha vha vhe vhaporofita, “no vha vhidza ‘midzimu.’ Huno ndi vhone, ngauri Mañwalo a nga si kone u phunyiwa,” A amba. “Zwenezwo ni nga Nkhañula hani?” Musi Ene e...Vho vha vhe tshipida tsha mulayo, vho vha vhe tshipida tsha Ipfi la Mudzimu, fhedzi Yesu o vha e Ipfi la Mudzimu nga vhudalo. Puñane Yawe yoþhe ya thengululo, u éðana hoþhe ha Mudzimu, ho vha hu Khae.

<sup>70</sup> Huno zwino, nga kha zwikhathi zwa tshivhidzo, vho ita zwi fanaho. Huno Mapfundo A Sumbe a do dzumbulula zwiphiri zweþhe zwa zwa siiwa nga itsho tshifhinga, ngauri ri si na vhaporofita, huno Ipfi li sa ñi kha vhashandululi. Vhaporofita!

<sup>71</sup> Mudzimu ha shanduki. Kha Maleaxi 3, o ri, “Ndi nne Mudzimu, huno A thi shanduki.” Ndila ya u thoma ya Mudzimu ya u ita tshiñwe tshithu, iyo ndi ndila ya Mudzimu ya u ita tshiñwe tshithu misi yoþhe. Mudzimu o dzhia tsheo ya uri U do tshidza muthu nga Malofha o shululwaho a Uyo a si na mulandu, ngadeni ya Edeni, huno u bva tsheetsho Ha athu i shandukisa na kathihi, nahone a nga si kone u i shandukisa. Ro lingedza, nga pfunzo, nga zwifhato, nga dzisisteme, nga dzidinomineisheni, nga milayo ya mikhwa, na tshiñwe na tshiñwe-vho, huno zwo kundelwa zweþhe. Fhedzi hu na fhethu huthihi fhedzi hune Mudzimu a tanganana na muthu, afho ndi, fhasi ha Malofha o shuluwaho a A Si Na Mulandu. Ndi nga Malofha fhedzi! Iyo yo vha tsheo Yawe ya u thoma. Ni a vhoná?

<sup>72</sup> Riñe ri nga dzhia tsheo, huno ñwakani ri nga elekanya zwa khwine. Ri na muhumbulo wazwo wa khwine, ñiwakani. Mudzimu ha koni; Ha na magumo. Tsheo Yawe ya u thoma yo fhelela; a hu na tshine tshi nga i sudzulusa. Nne ndi nga guda zwo engedzeaho; riñe ri na magumo. Nne ndi nga guda zwo engedzeaho; inwi ni nga guda zwo engedzeaho. Fhedzi Mudzimu a nga si gude zwo engedzeaho; O fhelela, tsha u tou thoma. Huno, ngauralo, tsheo Yawe ya u thoma, vheani muya wañu khayo. Zwine Bivhili ya amba, izwo ndi zwone!

<sup>73</sup> Mudzimu u tea u hañula shango liñwe duvha. Huno Mukat̄olika u ri U do li hañula nga tshivhidzo tsha Kat̄olika. Arali izwo zwi tshi do ralo, tshivhidzo tsha Kat̄olika tshifhio? Zwi a fhambana, tshinwe na tshinwe. Arali na ya u li hañula nga Porotestanti, tshivhidzo tshifhio tsha Porotestanti? Zwi a fhambana, tshinwe na tshinwe. Huno zwi do ñadisa zwiñuku; a hu na a no do ñivha hune ha tea u imiwa hone. Arali Mumethodisi e kha ngoho, Mubaphuthisi o xela. Arali Muporotestanti e kha ngoho, Mukat̄olika o xela; Mukat̄olika e kha ngoho, Muporotestanti o xela.

<sup>74</sup> Fhedzi Bivhili yo amba zwauri U do hañula shango nga Yesu Kristo, huno Ndi ene Ipfi. Zwenezwo, U do li hañula nga Ipfi.

<sup>75</sup> Huno dinomineisheni dzothe dzi a bva kha ilo Ipfi, u ita ndaela dzadzo. Ndi khou tou humbelu muñwe-who u ntsumbedza hune vha dzhia Ipfi nga vhudalo. Vha nga si kone u zwi ita, ngauri i langwa nga sisteme ya muthu. He na wana muthu...

<sup>76</sup> Mudzimu na kathihi ho ngo vhuya a shuma nga nn̄da ha muthu muthihi nga tshifhinga tshithihi. Na kathihi Ha athu vhuya a vha na vhaporofita vhavhili nga tshifhinga tshithihi. Muthihi! Mudzimu u kona u wana munna muthihi tshanđani Tshawe. Ha shumisani na inwi...dzangano lañu; U shumisana na inwi.

<sup>77</sup> Zwino, kha iyo theo, ri da kha tshimima tsha phalaphala, zwiphiri zwo dzumbiwaho. Zwo porofitwa uri zwi do vha nga iyo ndila, ngauralo-ha zwo do tea u dzumbululwa nga ndila ye zwa vha zwi ngayo. Fhedzi u dzumbululwa nga ili duvha la u fhedzisela, u khunyeledza kokotolo zwine nda kha di bva u zwi amba, Maleaxi ndima ya vhu4, Luka ndima ya vhu17 na ndi—ndimana ya vhu30, ndila ine A do zwi ita, na Vhaheberu 13:8, Vhaheberu 4:12, na vhunzhi ha ayo Mañwalo a no ri vhudza. Zwino, arali izwo zwi zwisili kha vhañwe vha vhoinwi, ngavhe ndi tshi ri Mudzimu tshifhinga tshothe... Ndila ine Mudzimu a ñivhea vhukati ha vhatu ndi nga u vha wa vhuporofita.

<sup>78</sup> Vhayuda tshifhinga tshothe vho ñivha u tenda vhaporofita vhavho. O ri, "Arali ha vha na muñwe vhukati lañu, Nne

Murena ndi ḋo amba nae nga miloro ya maya na nga mabono. Huno, zwine a amba zwi tshi khunyelela, zwenezwo mu pfeni.” Vhone tshifhinga tshothe... .

<sup>79</sup> Iyo ndi ndila ye vha kundelwa u limuwa Yesu, huno vha tea u Mu dzhia sa tshiñwe tshithu-vho, ngauralo vho Mu ita maya muvhī, “Belesebulu,” ngauri O vha a tshi kona u talukanya mihumbulu ye ya vha i mbiluni dzavho. Riñe tshifhinga tshothe ri a zwi ñivha uri itsho ndi tshiga tsha Ipfi.

<sup>80</sup> Vhaheberu ndima ya vhu4, ndimana ya vhu12, yo ri, “Ipfi la Mudzimu li na vhuhali u fhira banga la mutsheahothe, nahone ndi mutalukanyi wa mihumbulu na zwine mbilu ya fhima zwone.”

<sup>81</sup> “Musi Wone Muya Mukhethwa u tshi ḋo ḍa kha inwi, U ḋo ni humbudza izwi zwithu zwe Nda amba, nahone u ḋo ni sumbedza zwithu zwi no ḋo ḍa.”

<sup>82</sup> “Mudzimu zwifhingani zwinzhi, nga mikhwa yo fhambanaho,” Vhaheberu 1, “o amba na vhokhotsi nga kha vhaporofita, maðuvhani aya a u fhedzisela nga kha Murwa Wawe, Yesu Kristo.” Mudzimu a sa shanduki, o tou tshintsha u bva kha vhaporofita u ya kha Murwa. Ndi zwenezwo fhedzi. Ni a vhona? Mulaedza wonoyo muthihi tshifhinga tshothe, ndila i fanaho ya u zwi ita.

<sup>83</sup> Zwino, zwo porofitwa uri zwivhidzo zwi ḋo vha kha iyi nyimele, zwo ḋo tea u vhuyedzedza murahu hafhu. Huno O ri, kha Maleaxi 4, uri U ḋo “ruma muporofita Eliya, huno u ḋo vhuyedzedza vha—vhathu murahu hafhu,” e na... u ñisa. Dzhielani nzhele. Huno zwenezwo hu sa athu... Kana, zwezwo nga murahu ha Mulaedza wawe, hu ḋo vha na tshifhinga tshine shango la ḋo swa, huno vho lugaho vha ḋo tshimbila nn̄da kha milora.

<sup>84</sup> Zwino, kha muñwe ratheolodzhi ane a nga vha a tshi khou thetshesela theiphi, huñwe fhethu u mona na shango, arali ni tshi elekanya uri uyo o vha e Yohane, elelwani, zwenezwo, Mañwalo o khakha, ngauri shango a lo ngo swa nga murahu ha mulaedza wa Yohane. Yesu ho ngo ḍa huno a dzhia vhathu kha Nwahagidi; fhedzi O fulufhedzisa u zwi ita nga murahu ha musi Muya wa Eliya u tshi ḍa kha lifhasi hafhu.

<sup>85</sup> Dzhielani nzhele zwino kha Maleaxi 4, ri a vhona hafha zwauri izwi zwi tea u itwa u vhuyedzedza (mini?) lutendo lwa vhathu murahu kha vhokhotsi vha vhubvo, Pfunzo ya pentekoste, vhokhotsi vha vhubvo. Huno u ḋo vhuyedzedza vhathu murahu kha vhokhotsi.

<sup>86</sup> Ri wana kha Luka 17, Yesu o amba zwauri musi A tshi ḍa kha aya maðuvha a u fhedzisela, Luka 17:33, ri a wanulusa zwe Yesu a amba, “Sa zwe zwa vha zwi zwone maðuvhani a Loto, zwi ḋo ralo kha u ḍa ha Murwa-muthu, musi Murwa-muthu a tshi khou dzumbululwa.”

<sup>87</sup> Zwino dzhielani nzhele, U da nga dzina la vharwa vhararu. U da nga dzina la Murwa wa Dafita...Kana, Murwa-muthu, Murwa wa Mudzimu, Murwa wa Dafita.

<sup>88</sup> Zwino, O do tea u da sa Murwa-muthu, ngauri O vha e Muporofita. Jehovah, Ene munę, o vhidza vhaporofita, "murwa-muthu." Huno Yesu na kathihi ho ngo Diamba sa Murwa wa Mudzimu. O Diamba, tshifhinga tshothe, sa Murwa-muthu. Huno dzhielani nzhele, O Didzumbulula zwenezwo sa Muporofita, Muvhoni. Ha pfi, "Arali Ndi sa iti mishumo ya Khotsi Anga, zwenezwo ni songo zwi tenda." O swikela thalutshedzo iñwe na iñwe ye ya amba nga Hae Luñwaloni, u swika na kha lufu Lwawe, u swiwa, mvuwo; u vhambwa Hawe, mabebo Awe, zwothe. Huno kha mushumo Wawe, O swikelela thalutshedzo ya Muvhoni, Murwa-muthu.

<sup>89</sup> Zwino O dzumbululwa nga kha zwikhathi zwa tshivhidzo, zwino sedzesani, nga kha zwikhathi zwa tshivhidzo, sa Murwa wa Mudzimu. Mudzimu e Muya, Muya Mukhethwa, O Didzumbulula kha zwikhathi zwa tshivhidzo vhunga, tshivhidzoni, vhunga Muya Mukhethwa vhukati ha vhathu.

<sup>90</sup> Ri wana, kha Tshikhathi Tsha Tshivhidzo Tsha Laodikea, tshikhathi tsha u fhedza tsha tshivhidzo, O vhewa nnnda ha tshivhidzo. A hu na huñwe fhethu-vho he A vhuya a vhewa nnnda, kha tshiñwe tshikhathi-vho, fhedzi kha Tshikhathi Tsha Laodikea. "Ngauri, vho ri, 'Ro pfuma huno a ri ḥodi tshithu.' Huno a ni zwi divhi uri ni a ḫungufhadza, ni mushai, ni fhedzi, huno ni bofu, huno a ni zwi divhi." O vhewa nga nnnda ha tshikhathi tsha tshivhidzo.

<sup>91</sup> Huno zwenezwo, u ya nga Luka 17, O ri, "Sa zwe zwa vha zwi zwone mađuvhani a Sodoma, zwi do ralo kha u da ha Murwa-muthu." Zwino, O vha a tshi khou vhala Genesi yeneyo nthihi ine ra i vhala. Dzhielani nzhele, ngei Sodoma, zwe zwa itea. Naa ho vha hu na mini Sodoma? Abrahamu...

<sup>92</sup> Tshifhinga tshothe hu na kilasi tharu dza vhathu. Ho vha hu na Abrahamu, o nangiwaho na o vhidzelwaho nnnda, nnnda ha Sodoma wone uñe. Ho vha hu na Loto, murađo wa tshivhidzo, kana munna wa dinomineisheni, fhasi; o vha tshipida tsha ilo shango, nga u vha meyara wa muđi, a dzula khoroni; o vha e muhañuli, ane a vha meyara. Huno ho vha hu na Sodoma, wone uñe.

<sup>93</sup> Zwino, nga tshifhinga tsha nga madekwana, kana vhukati ha ñuvha, musi Abrahamu o vha e fhasi ha uyu muouku, Vharuñwa vhararu vho bvelela khae. Vhavhili vhavho vho tsela fhasi ngei Sodoma, huno vha rera Mafhungo-madifha huno vha lingedza u vha vhidzela nnnda. A vho ngo zwi ita; vho vha vho shandea. Loto, na mufumakadzi wawe, fhedzi, na vhananyana vhawé vhavhili, vha bva. Huno mufumakadzi a shanduka tshiunga tsha muño.

<sup>94</sup> Fhedzi Uyo we a dzula nahone a amba na Abrahamu, uyo Abrahamu o mu vhidza, “Elohim, Ramaandaothe.” Genesi 1, “Mudzimu! Mathomoni, Mudzimu,” Elohim, ene—ene Uyo o edanaho tshothe, Uyo a tshilaho nga ethe. Abrahamu o Mu vhidza, “Elohim.” Huno A dzula fhasi nahone a la na Abrahamu; A nwa; O vha e namani ya muthu. Huno sedzani tshiga tshe A nea Abrahamu.

<sup>95</sup> Zwino, vho vha vha tshi khou toda murwa a daho, murwa o fulufhedziswaho, Isaka. Miñwaha ya fumbilithanu, kha lwendo lulapfu, vho vha vho lu toda, fhedzi vho vha vhe magumoni a lwendo. Mudzimu o bvelela nga zwivhumbeo zwinzhi, sa zwe A ralo nga kha zwifhinga zwa tshivhidzo, nga Zwiedza, na zwinwe-vho, vhunga O amba na Abrahamu, na nga maipfi. Fhedzi zwenezwo musi murwa a daho a sa athu swika... Zwino ro fhira nga khazwo, huno ni a zwi divha uri nne ndi khou tou dovha u zwi amba, u swikisa izwi kha inwi. Uyo, O shandukisa muvhili wa Abrahamu na Sarah, nga u t̄avhanya nga murahu ha izwi, uri vha kone u t̄anganedza murwa.

<sup>96</sup> Dzhielani nzhele, tshiga tsha u fhedza tshe vha tshi wana, murwa a sa athu swika, ho vha hu Jehovah a amba ho navho nga tshivhumbeo tsha muthu. Huno nga ndila ye vha zwi divha uri uyu o vha e Jehovah, ngauri O ri, “Abrahamu,” hu si Abram. Mađuvha a si gathi phanda ha hezwo, Mudzimu o shandukisa dzina lawe. “Naa mufumakadzi wau u ngafhi, Sarah?” Hu si S-a-r-r-a; fhedzi S-a-r-a-h, “mukololo.”

Huno Abrahamu a ri, “U denndeni, murahu Hau.”

<sup>97</sup> Huno A ri, “Nne,” ilo ndi lisala vhune, “Ndi do u dalela u ya nga pfulufhedziso Yanga. Nga tshifhinga tsha vhutshilo, mađuvha a fumbilimalo a tevhelaho, tshiñwe tshithu tshi khou yo bvelela kha Sarah.”

<sup>98</sup> Huno Sarah, e denndeni, a sea ngomu hawe, huno a amba mbiluni yaye, “Naa izwi zwi nga vha hani, ngauri nne ndi wa kale; huno nda vha na dakalo na murena wanga, ane na ene a vha wa kale, Abrahamu?”

<sup>99</sup> Huno Muruniwa, kana, Munna a ri, “Ndi ngani Sarah o amba izwo mbiluni yaye?” Denndeni murahu Hawe! “Ndi ngani o amba uri izwi zwithu zwi nga si vhe nga u ralo?” Ni a vhona? Munna e namani ya muthu, vhunga muporofita, naho zwe ralo Ho vha hu Elohim a tshi khou t̄alukanya muhumbulo we wa vha u mbiluni ya Sarah, murahu Hawe.

<sup>100</sup> Huno Yesu a ri, “Sa zwe zwa vha zwi zwone mađuvhani a Loto, zwi do ralo kha u da ha magumo a shango, musi Murwa-muthu,” hu si Murwa wa Mudzimu, “musi Murwa-muthu a tshi do vha a tshi khou dzumbulula.”

<sup>101</sup> A vho ngo vha nazwo nga kha tshikhathi. Ni a vhona uho u bvela phanda hu si na tshanduko ho fhelelaho ha

Luñwalo? Hafha ri tshila ngomu hazwo. Zwiphiri: na ndovhedzo nga Dzina la Murena Yesu, nahone kule ha muhumbulo wa Vhuthihhi; na izwi zwiñwe zwithu, nga ndila ye Muya Mukhethwa wa sudzulusela iyo ngomu huno wa i sumbedza lwo fhelelaho; na Ndovhedzo ya Muya Mukhethwa ya vhukuma, Luswayo, na tshiñwe na tshiñwe, huno a zwi vhea; na nga ndila ye A vhea mushandululi muñwe na muñwe na tshiñwe na tshiñwe, zwa tou kokotolo. Huno, ni a vhona, henefho phanda ha mañø ashu, nahone a si khuñani. Zwi a divhea shangoni. Yesu, Murwa wa Mudzimu, a tshi khou Didzumbulula nga Mañwalo, a tshi khou ita ulwo Luñwalo (lwo telwaho kha *lino* duvha, vhunga zwe zwa vha zwi zwone kha *ilo* duvha, na *mañwe* mađuvha othe) uri lu tshire. Huno u Lu tenda, ndi vhutanzi ha Muya Mukhethwa.

<sup>102</sup> U luga, ni nga si bule uri “u ya tshivhidzoni” fhedzi ndi vhutanzi ha Muya Mukhethwa. Arali ni tshi ralo, zwenezwo avhò Vhafarisei vho vha vhe Nawo. Ni a vhona? Inwi ni nga si bule uri “u dzinginyea kana u fhufha” ndi u vha... Arali ni tshi ralo, vhahedeni vha Nawo. Arali ni tshi ri “u amba nga dzindimi,” ndi u luvha diabolo hufhio—hufhio hune ha sa ambe nga dzindimi? Mmbudzeni huthihi.

Mukomana Jackson o dzulaho hafha wa Afurika, a bvaho Afurika, a nga ni vhudza hezwo. Ndo no ya ngomu mishashani ya Maindia fhano, nda vhona vhaloi vha vhasadzi na vhaloi vha vhanna vha tshi ditshteshekanya, huno vha shela malofha avho, huno vha amba nga dzindimi; huno—huno ñanga ya dzi talutshedza, huno a vha vhona vha tshi vhea penisela fhasi huno vha ñwala nga ndimi dzi sa ñivhei. Ngauralo uyo a si Wone. Fhedzi arali zwi...

<sup>103</sup> Naa vhutanzi ha ngoho ndi vhufhio? Yesu o ri, “Uri ni tende uri Ndi Ene.” Huno Ndi ene Ipfi.

<sup>104</sup> Ndi ngani vha songo U wana? Ndi ngani Vhayuda vha songo U wana? Vho vha vhe vhanna vho lugaho; vho vha vhe vhanna vhavhuđi; vho vha vhe vhanna vhakhethwa, huno ho vha hu na tshaka dzođhe dza vhathu; fhedzi, kha uyo o telwaho u pfa Ipfi!

<sup>105</sup> “Huno ni zwi ñivha hani uri kana ndi Ipfi? Muñwe na muñwe u amba itshi.”

<sup>106</sup> Ndi pfulufhedziso ya Bivhili i tshi khou khwañhisizedzwa ya itsho tshikhathi, khezwo, zwenezwo ni a vhuya murahu hune Muya Mukhethwa wa vha hone. Sedzani mubvumo wa Phalaphala nga miniti i si gathi, zwine Ya ñanzilela. Phalaphala, Phalaphala ya Mafhungo-madjifha, vhonani ane a nga Li ita. Elelwani, avho vha re miđini i re na mbondo vho kundelwa u bva nga mihuvhho. Ee, muñe wanga. Vho vha vhe kha mbondo; vha dzula henefho. Zwo vha zwo no fhela; vho

vha vhe dziphuli vhutshiloni havho vho<sup>the</sup>, huno vho do tea u swaiwa. Zwino vhunga ri tshi vhona aya maitele, dzhielani nzhele.

<sup>107</sup> Zwino, iyi mishumo, Maleaxi 4, na izwi zwe<sup>the</sup>, na Vhaheberu 13:8, “Yesu Kristo a sa shanduki mulovha, namusi, na lini na lini,” U dzula e Ipfi lini na lini, Ipfi lo vhonadzwaho. Izwo ndi zwone kokotolo zwe A ḥanzilela vhaporofita. *Muporofita* a zwi ambi fhedzi “muvhoni kana mubvumbi,” zwi amba “mudzumbululi wa Ipfi lo nwalwaho.” Vhutshiloni hawe, mishumo yawe, i dzumbulula nahone ya khwathisedza Ipfi la ilo duvha; vhunga Noaxe a tshi fhata gungwa; Mushe ngei phasi; na vhañwe-vho; na pfulufhedziso inwe-vho, Ipfi lo fulufhedziswaho la iyo awara.

<sup>108</sup> Zwino ri a zwi divha uri U na riñe. Ri a zwi tenda hezwo. Inwi ni vhona Ipfi Ławé li tshi vhonadzwa, nga zwinepe, nga Mañwalo, nga ḥanzilelo ngei Tađulu, kha ḥifasi, tshinwe na tshinwe tshe A tshi amba. A hu na tshifhinga na tshithihi tshe zwa kundelwa. Ndi humbela muñwe muthu-vho uri a ntsumbedze, u bva kha zwipiða zwe fhambanaho zwa shango, kana kha shango lo<sup>the</sup>, inwi ni—inwi ni a kombetshedzea u niwalela huno na mmbudza, tshifhinga tshithihi tshe zwa vhuya zwa kundelwa. Zwe fhelela, ipfi nga ipfi, zwino, iyo ndi pfulufhedziso.

<sup>109</sup> Ndi ngani O vha e wa u bvelela kha aya maduvha a u fhedzisa? Arali na humela murahu, huno na theipha vhathetshelesi, kha *Muri Wa Muselwa*, huno na disa he Kristo a vha e hone, uyo Muri we wa vha u ngadeni ya Edeni. Adamu wa u thoma we a wa; na uyu Adamu wa Vhuvhili o tumulwaho nga tshivhi. Vho Mu nembeledza kha muri wa Vharoma, huno kha hezwo ha vha na...ha bva Muri wa Muselwa we A u fulufhedzisa, une ra u vhona Mañwaloni, zwino, u itela u wana Muselwa.

<sup>110</sup> Vhunga phiramidi, ndila ine ya da nga vha si gathi tshifhinga tsho<sup>the</sup>, u bva kha u atama huhulwane; u bva kha Luther, Wesley, Pentekoste, huno zwenezwo tombo la nga n̄ha halo lo tsheetwa nga maanda, huno liñwe na liñwe la ayo matombo lo vhewa na maiwe lwo fhelelaho fhethu huthihi. Huno a ri athu zwi divha ndila ye vha zwi ita, fhedzi o vhewa fhethu huthihi lwo fhelelaho kha phiramidi! Huno a ri khou funza nga ha phiramidi zwino, ri khou tou... .

<sup>111</sup> Enokho na vhañwe vho i fhata, miñwaha yo fhiraho, huno i imela tshiga. U tou fana na duvha li tshi tavha na u kovhela; u tou fana na muri u tshi wisa ḥari lawo—lawo, huno wa vhuya hafhu; sa khovhe, na dzikholomo, nahone tshinwe na tshinwe-vho tshi a i fanyisa. Iyo phiramidi yo ima sa tshiga.

<sup>112</sup> Dzhenani pfamoni ya muporofita huno ni sedzese maga ayo a sumbe. Naa ndi ngafhi he—naa ndi ngafhi he mulindi

a ḥangana na khaedu ya u ḫisa mudi ngomu vhuhoneni ha khosi? Ngei n̄tha ha zwit̄episi; ho vha hu kha tshītepisi tsha vhusumbe. H̄eneffo hu sumbedza uri ri tea u da hafhu na onoyo Muya muthihi we wa vha u kha Yohane; o ḫivhadza Mesia. O vha e muhulwane u fhira vhaporofita vhot̄e; o Li ḫivhadza. Huno ri tea u da fhethu, hafhu, kha tshīnwē tshithu tshi no khou yo ḫivhadza Mesia.

<sup>113</sup> Huno Mesia hani...vhat̄u vha no khou Mu tenda vha do zwi ḫivha hani nn̄dani ha musi vhe kha Ipfi vha sa fhidzi, u ḫivha zwine A vha zwone! Daniele o ri, “Vha vhuṭali vha do zwi ḫivha; fhedzi vha matsilu, vha songo talifhaho, a vha nga zwi ḫivhi. Vha do ḫivha Mudzimu wavho.” Zwino, zwino, ndila ine A do bvelela mađuvhani a u fhedzisela, ndi u ḫisa vhat̄u murahu kha Ipfi, uri Muselwa a ḫivhe Munna Wawe, a ḫivhe Thama Yawe, Ipfi lo dzumbululwaho. Izwo ndi ngazwo izwi zwi tshi tea u bvelela.

<sup>114</sup> Zwo vha zwi si kha vhashandululi; zwo vha zwi si kha Luther, Wesley, na—na Vhapentekostała, na vhańwe. Luńwalo lu ri zwo vha zwi songo ralo.

<sup>115</sup> Fhedzi zwi do da. Iyo ndi pfulufhedziso Yawe ya tshino tshikhathi. Ri khou tshila kha tshikhathi tshine U Da Hawe ha do vha ngomu khatsho. U fanela u ḫaluswa Khae. Musadzi muńwe na muńwe u fanela u ḫaluswa na munna wawe, ngauri avho vhavhili vha vhat̄ihi. Huno Muselwa wa Kristo u tea u ḫaluswa Nae, ngauri avho vhavhili ndi Muthihi; huno Ene ndi Ipfi, hu si dinomineisheni. Ipfi! Riñe ri tea u vha vhana vha Tshedza, huno Tshedza ndi Ipfi li no khou itwa Tshedza tsha tshino tshikhathi. Naa ri ḫivha hani Tshedza nn̄dani ha musi Tshi tshi bva kha Ipfi? Zwo luga. Ipfi lo itwaho ńama ndi Tshedza tsha tshikhathi; musi ni tshi Tshi v̄hona, huno Bivhili yo amba nga u ralo.

<sup>116</sup> Avho vhat̄u vho sedza Yesu heneffo, huno vha ri, “Zwo ralo, uyu Munna, naa Ndi Nnyi? Mulandu, O bebwa, ndi mbebo ya vhuqondolo hangei fhasi. Mulandu, khotsi na mme Awe ndi *itshi, itsho*, na *tshinwe*, na *itshi tshothe* heneffo.” Fhedzi a vho ngo Mu ḫivha. Arali vho vha vho ḫivha Mańwalo, vho vha vha tshi do vha vho Mu ḫivha. O amba nga u ralo.

Vho ri, “Riñe ri vhafunziwa vha Mushe!”

<sup>117</sup> Ha pfi, “Arali no ḫivha Mushe, no vha ni tshi do Nndivha, ngauri Mushe o nwala nga ha Nñe.” Huno vha kha di vha vho pofulesaho kha u Li v̄hona!

<sup>118</sup> Ni a v̄hona uri ndi zwa u ḫitukufhadza hani? Kule na vhadziagungwa, na dzidinomineisheni, na dzindaela, na tshińwe na tshińwe. Mudzimu o dzhena heneffo ngomu, ńamani, nga tshivhumbeo tsha Munna, Murengululi Wa Lushakani.

<sup>119</sup> U fanela u dītalusa Nae. Riñe ri a rambiwa u vha vhana vha Tshedza, uri ri tshimbile Tshedzani.

<sup>120</sup> Ndi a elelwa fhasi ngei Kentucky, fhano hu si kale, ndo vha ndo fara muṭangano. Nnda, nga murahu ha musi ndo no bva tshivhidzoni, zwe ha vha hu na munna wa kale o imaho, e na luvhone tshandani tshawe. O vha e wa tshivhidzo tshi sa tendi kha phodzo, na zwiñwe-vho. Ha pfi, “Ndi—ndi fhambana na inwi, Mukomana Branham.”

Nda ri, “Zwo luga, ni na pfanelo ya u ita hezwo.”

<sup>121</sup> A ri, “Ni a vhona, a thi nga ṭanganedzi tshiñwe tshithu nn̄dani ha musi ndi tshi tshi vhona. Ndi tea u tshi vhona, tshi heneffo khagala.”

<sup>122</sup> Nda ri, “Zwenezwo no no vhuya na vhona Mudzimu, e heneffo khagala, o ima phanda hanu?” A hu na zwiñwe, ho ngo tenda kha mabono na zwithu.

A ri, “Hai.”

<sup>123</sup> “Malandu,” nda ri, “zwenezwo inwi a ni mutendi, muñe wanga. Ndo kundelwa u amba na inwi. Ni a vhona? Ni a vhona? Riñe ri a vhona zwine Mudzimu a fulufhedzisa huno ra Zwi farelela.”

<sup>124</sup> A ri, “Naa ni zwi anganya hani izwo?” Nda ri... A ri, “Idani, iyani hayani na nñe huno ri ambe madekwana a ñamusi.”

Nda ri, “Ndi nga si kone; ndi a takalela u ralo. Naa ni dzula ngafhi?”

A ri, “Inwi ni pfuka iyi thavha hafha.”

<sup>125</sup> Nda ri, “Nda ri ni khoy yo swika hani hangei? Inwi a ni vhoni nn̄du yanu.” Uh-huh. Uh-huh. Iina. Iina.

A ri, “Zwo luga, hu na ndila i no gidima nga nthā ha muvhundu.”

Nda ri, “Inwi a ni vhoni ndila.” Uh-huh.

A ri, “Zwo luga, ndi na luvhone.”

<sup>126</sup> Nda ri, “Luvhone a lu nga sumbedzi tshedza heneffo kha nn̄du. Oo, hai. Fhedzi iyo ndila i do isa nñuni. Fhedzi ulwo luvhone lu do sumbedza tshedza nga ligā lithihi nga tshifhinga.”

<sup>127</sup> Ri do tshimbila Tshedzani, Tshedza tsho nakaho; ligā lithihi nga tshifhinga tshithihi, Murena, ri tshi da tsini Nae. Iina. Vhana vha Tshedza, ṭanganedzani Ipfi Lawe, dzulelani u tshimbila huno ni sedze lo engedzeaho li tshi petuluwa. Ni songo Li ṭutshela, hu sa londwi uri muñwe muthu-vho u ri mini. Dzulani heneffo Khaļo huno ni dzulele u tshimbila Nalo, sedzani Li tshi petuluwa nahone li tshi Didzumbulula. Ipfi ndi Mbeu; mbeu kha mavu a lushaka lwone-lwone i do bveledza zwa lushaka lwayo.

<sup>128</sup> Dzhielani nzhele Nzumbululo 10:1 u swika kha ya 7, zwiphiri zweithe zwi khou yo dzumbululelwa Muselwa, nga mudinda wa Tshihidzo tsha Laodikea. Naa hu na nnyi na nnyi a re na Revised Version Bible? Arali ni nayo, ni do dzhiela nzhele heneffo he ya ri, “muruñwa,” zwi kha mbambedzo i ri, “goni.” Ni a vhona? Uh-huh. Uh-huh. Ni a vhona? Mudinda wa u ya kha—kha Tshihidzo tsha Laodikea, ni a vhona, Nzumbululo 10:1 u ya kha ya 7.

<sup>129</sup> Huno o amba zwauri iyi...nga ilo duvha le a Mu vhona a tshi tsela fhasi, huno a la iyo bugu thukhu. Huno ho vha...“A vhea mulenzhe muthihi kha shango, huno muñwe kha lwanzhe, huno a ana nga Uyo a no tshila, na lini na lini, zwauri, ‘Tshifhinga a tshi tsha do vha hone.’” Huno musi O no ralo, Mibvumo ya Sumbe ya bula maipfi ayo. Huno musi Mibvumo ya Sumbe yo amba maipfi ayo, Yohane a ri o vha a tshi todou ñwala. Huno A ri, “U songo I ñwala.” Uh-huh. Ni a vhona? Huno a I shatela.

<sup>130</sup> Zwino, muñwe o ri, “Zwo ralo, ayo Mapfundo A Sumbe, zwenezwo, Mukomana Branham, ayo a do dzumbululwa maduvhani a u fhedzisela, tshiñwe tshiphiri tshihulwane tsha uri ri da hani tsini na Mudzimu?” Hai, muñe wanga, zwi nga si vhe nga u ralo.

<sup>131</sup> “Ane a do tusa Ipfi lithihi kha iyi Bivhili, kana a engedza nga ipfi lithihi Khayo, mukovhe wawe u do dzhiwa, Bugu ya Vhutshilo.” Zwine ya vha zwone ndi nzumbululo ya zwe zwa pfukihi hangei murahu, u disa. Zwo no di ñwalwa Hafha. Zwi Hafha. Ndi u dzumbulula zwo no di ñwaliwaho. Ni a vhona? Ngauri, ni nga si kone u engedza nga tshithu tshithihi Khayo, kana u tusa Ipfi lithihi Khayo.

<sup>132</sup> Ndima ya u thoma ya Nzumbu-...ya—ya Bivhili, u rangani, Genesi. Musadzi muthihi ho ngo tou sa Li tenda, fhedzi o tou li talutshedza nga ndila i si yone, a tendela Sathane a tshi mu talutshedza nga ndila i si yone, ipfi lithihi, “nangoho.” Ni a vhona? Huno zwenezwo, u bva kha hezwo, zwo vhanga uvhu vhuleme hothe. Huno uyo o vha e Mudzimu a ambaho, Ipfi la Mudzimu.

<sup>133</sup> Huno kha ndima ya u fhedza ya Nzumbululo, Yesu Ene muñe, Mudzimu a sa shanduki, o ri, “Ane a do tusa Ipfi lithihi, kana a engedza nga ipfi lithihi Khayo.”

<sup>134</sup> *Iyi* ndi nzumbululo yo vuledzeaho ya Yesu Kristo. [Mukomana Branham u phaphatha Bivhili yawe—Mudz.] Huno Mapfundo A Sumbe o vha e na zwiphiri zwo dzumbiwaho, ya zwe Lone lothe la vha li zwone; huno a khou tea u Li vula nga duvha la u fhedzisela, kha tshikhathi tsha Laodikea, tshifhingani tsha vhufhelo. Ndivhuwo kha Mudzimu! Izwo zwi vuledza Mulaedza u yaho kha Tshihidzo. Izwo zwi a U

vuledza. Musi vha tshi sedza murahu huno vha vhona zwe zwa vha hone, huno vha vhona he zwo<sup>the</sup> zwa swika hone, izwo zwi a U vuledza, tshikhathi tsha Tshivhidzo.

<sup>135</sup> Zwino dzhielani nzhele phalaphala dzine ra khou amba nga hadzo, ndi mbidzo ya u kuvhangana u itela tshimima, u itela nndwa, u itela muthu, li<sup>n</sup>we duvha lo khetheaho, kana tshi<sup>n</sup>we tshithu tshi no nga hetsho. Dzhielani nzhele. Inwi ni ri, "U itela muthu?" Iina. Kana, u itela riwaha wa miuvho, u divhadziwa ha mbofholowo i daho, musi vha tshi do kona u humela murahu; zwino, ri nga dzhia matsheloni o<sup>the</sup> kha itsho tshithu tshithihi fhedzi. Fhedzi, zwino, u dzhena kha phalaphala. Inwi ni na zwa murahu zwino, zwa Mapfundu na Tshivhidzo, zwino ri khou yo dzhena kha lufhalafhala. Lufhalafhala lwo lila, huno lufhalafhala lu sumbedza nndwa, kana duvha la tshimima. Kana, zwine lwa amba, ndi, "u kuvhangana fhethu huthihi ha vhathe," *lufhalafhala*.

<sup>136</sup> Paulo o ri, "Musi lufhalafhala lu tshi nea mubvumo u sa pfali, naa ndi nnyi ane a nga dilugisela nndwa, kana mulalo, kana tshi<sup>n</sup>we na tshi<sup>n</sup>we tshi re tshone?" Naa ndi nnyi a no divha? Inwi ni tea u divha zwine lufhalafhala lwa lilisa zwone.

<sup>137</sup> Ngauralo-ha, musi lufhalafhala lu tshi lila, ri vhona tshi<sup>n</sup>we tshithu namusi kha lifhasi namusi. Hu na vhuleme vhuhulwane huiwe fhethu. Mu<sup>n</sup>we na mu<sup>n</sup>we u a zwi divha. Mu<sup>n</sup>we na mu<sup>n</sup>we o no vha wa mazhuluzhulu. Shango lo<sup>the</sup> ndi shango la mazhuluzhulu, huno ri a zwi divha zwauri hu na tshi<sup>n</sup>we tshithu tsho khakheaho. Pentagon, huiwe na huiwe, ri a zwi divha zwauri hu na tshinwe tshithu tsho khakheaho.

<sup>138</sup> Zwino, ndila fhedzi ine na do divha zwine mubvumo wa lufhalafhala wa vha zwone, ndi u sedza zwine Bammbiri la Muzika la amba. Ndi zwenezwo fhedzi. Ndi muzika wa okhesitira muhulwane, ni a vhona, nahone u tshi khou ombo.

<sup>139</sup> Vhunga, *Peter and the Wolf*, ni a vhona, musi inwi... arali ene... Huno mu-musiki o nwala bugu, huno mulangi u fanela u vha kha wonoyo myua muthihi wa musiki. Arali a sa ralo, u nea u ombo hu si hone, huno zwenezwo tshithu tsho<sup>the</sup> tsho bva.

<sup>140</sup> Iyo ndi yone thaidzo namusi. Rine ri na vhalangi vhanzhisa kha... vha siho kha Muya wa Musiki. Vha ri, "Dinomineisheni, zwo luga, rine ri tenda *itshi*."

<sup>141</sup> A hu londwi uri ni ri mini, Bivhili ndi ya ngoho. I ombeni u ya nga Bammbiri la Muzika heneffa phanda hayo, zwenezwo muzika wa okhesitira muhulwane wa nyito khulwane ya Mudzimu u khou tou tambo zwavhu<sup>d</sup>i, zwenezwo ri nga kona u vhona awara na he ra ima hone.

<sup>142</sup> Zwino dzhielani nzhele, lufhalafhala ndi lwa u kuvhanganya vhathe fhethu huthihi, vha kuvhangana vho<sup>the</sup> u itela tshi<sup>n</sup>we tshithu. Tshi<sup>n</sup>we tshifhinga lwo divhadza muthu wa ndeme.

<sup>143</sup> Vhunga kha Yosefa, vho lidza lufhalafhala, huno Yosefa o vha a tshi bvelela; zwine zwa vha tshi—tshiga tsha “Lufhalafhala Luhulwane” lune ra amba nga halwo, nahone ra ya khalwo nga murahu ha tshifhinganyana, kha Yesaya. Iyo i ri, “Musi Lufhalafhala Luhulwane lu tshi lila, musi itsho tshiga tshi tshi do takulelwa n̄ha, ngei n̄ha; huno zwenezwo hu do swika tshifhinga tsha musi Lufhalafhala Luhulwane lu tshi do lidzwa, huno tshaka dzothe dzi do kuvhangana Yerusalem.” Izwo ndi musi Nwahagidi u tshi thoma; Lufhalafhala Luhulwane.

<sup>144</sup> Zwino, iyi mbidzo, ya tshimima tsha phalaphala, u sendela ha tshiñwe tshithu. Dzhielani nzhele Nzumbululo 8:7, arali ni tshi ḥoda u ḥwala fhasi. Ri dzhiela nzhele Lufhalafhala Lwa U Thoma, heneffo ho balangana tshifhango, malofha, mulilo, kha ḥifhasi; zwo tou kokotolo na Ekisodo, musi Mudzimu o vha a tshi khou vhidzela vhatu Vhawe nn̄da, ha ekisodo.

<sup>145</sup> Zwino, tshi itisaho uri Phalaphala Dza Sumbe dzi sa kwame itshi Tshivhidzo na itshi tshikhathi, ndi ngauri ndi dza u ya kha Israele fhedzi. Ndi mbidzo, ya u kuvhangana ha vhatu. Huno zwino hu na ndeme nthihi fhedzi ngomu hafha ine nda ḥoda inwi ni tshi ya khayo, nga miniti i si gathi, ndi hune na do vhon auri ndi ngani idzi dzi sa kwami itshi tshikhathi tshine ra khou tshila khatsho; Phalaphala Dza Sumbe.

<sup>146</sup> Ndi divha vhatu vhanzhi vha no fhambana na hezwo, fhedzi ndi a zwi divha zwauri ndi izwi. Ndi a zwi divha. Hu si ngauri nne ndi khou ri inwi ni khou zwi amba; ngauri, a tho ngo zwi wana kha nne mun̄e. Muhumbulo wanga—wanga a si wanga. Tshenetsho Tshe tsha mmbudza, arali Tsho khakha, zwenezwo zwo khakhea. Fhedzi nne a thi khou zwi amba nga nne mun̄e, nne ndi khou zwi amba nga zwe Muñwe muthu-vho a amba. Uyo Muñwe muthu-vho ndi Mudzimu we a amba na rine nahone a ita izwi zwithu zweothe zwe A ita, nahone a bvelela, ni a vhon a, ngauralo ndi a zwi divha uri ndi zwone.

<sup>147</sup> U—u kuvhangana ha Israele ndi Dziphalaphala. Dziphalaphala ndi dza u kuvhanganya Israele. Dzhielani nzhele, Lufhalafhala lwonolwo lwa U Thoma lwo lila; malofha, mulilo, tshifhango, na tshiñwe na tshiñwe, zwa balangana mavuni. Ni a vhon a? Naa O vha a tshi khou itani? A tshi khou bvisa Israele kha Egipita la maya, ni a vhon a, murahu ngomu ha shangohaya.

<sup>148</sup> Zwino i ri ni ndi ambe izwi heneffha, zwauri, Lufhalafhala luñwe na luñwe lwe lwa lila, lwo lila fhasi ha Pfundo La Vhurathi. Ri do ya khazwo nga miniti i si gathi, he ra fara Pfundo heneffo. Phalaphala dzothe dzo lila fhasi ha Pfundo La Vhurathi.

<sup>149</sup> Ngauri, Pfundo La Vhusumbe, ho vha hu na u fhumula. “A hu na we a zwi divha; uyo wo vha u miniti kana awara ye Kristo a vha a tshi do da,” vhunga O ri dzumbululela zwone.

<sup>150</sup> Fhedzi Lufhalafhala luniwe na luniwe two lila fhasi ha Pfundo La Vhurathi, fhasi ha mutovholo wa Vhayuda. Dzhielani nzhele, Nzumbululo zwino, ya vhu8, huno ri thome nga ndimana ya vhu7. Zwothe zwe vha zwi u vhidzelwa nnda ha Israele, lwa mvelo, kha la Egipita; zwino ndi u vhidzelwa nnda ha Israele, nga u talukanya lwa maya. O vha a tshi khou vha ita uri vha lugele u da tshimimani tsha Tshipfumelo.

<sup>151</sup> Dzhielani nzhele, tshimima tsha phalaphala tsho vha tshone tsha u thoma, tshe tsha vha tshi pentekoste. Tshimima tsha tshipfumelo tsho tshi tevhela, nga murahu ha maduvha a fuhunu. Tshimima tsha tshipfumelo, tshi vhaleni hafha. Rine, nga khonadzeo, arali ri na tshifhinga, ri do amba nga hatsho nahone ra ni vhalela tshone kha Bivhili, hafha kha Levitiko 12, zwino, kana Levitiko 23, kha ndi ralo, na Levitiko 16. Ri wana uri tsha u thoma tsho vha tshi tshimima tsha—tsha phalaphala. Ho vha hu tshipfumelo na...nga murahu ha musi tsho tevhela pentekoste, zwino ri a wanulusa...Tshimima tsha tshipfumelo tsho tevhela tshimima tsha phalaphala.

<sup>152</sup> Zwino dzhielani nzhele, Lufhalafhala two lila, huno ulwo two vha lu lwa u vha kuvhanganya fhethu huthihi. Zwino, Lufhalafhala Lwa U Thoma two lila, ho vha na tshifhango, malofha, mulilo, zwe fafadzelwa kha lifhasi, u tou fana kokotolo vhunga zwe zwa vha zwi zwone kha la Egipita, i tshi khou lugela u vha vhidzela kha Duvha la Tshipfumelo. Ni a vhona? Vho landula Tshipfumelo tsha ngoho. Huno iyi minwaha yo lapfisewa nnda nga kha hafha, wo vha nwaha wa pentekoste. Ni a vhona? Zwino u lidzela Vhayuda hu a tevhela.

<sup>153</sup> Uhu ho vha hu u vhidzelwa nnda ha Tshivhidzo. Sedzani nga vhuronwane vhukuma. Zwino, zwine, nga murahu, A vha dzhia a vha isa kha shango la pfulufhedziso; zwine A do ita zwenezwo zwithihi, zwine ngazwo, nga tshiga, U dzhia Tshivhidzo a tshi isa kha shango la pfulufhedziso.

<sup>154</sup> Elelwani, Lufhalafhala luniwe na luniwe two lila fhasi ha Pfundo La Vhurathi, zwenezwo fhedzi lu tshi lila.

<sup>155</sup> Dzhielani nzhele zwino, kokotolo, u bvela phanda hu si na tshanduko ha Luñwalo, kokotolo hu fanaho. Fhasi ha Lufhalafhala Lwa Vhusumbe, ndi lwa u ya kha Israele u tou fana na zwe Pfundo La Vhusumbe la vha li zwone kha Tshivhidzo. Ri wana, fhasi ha Pfundo La Vhusumbe, zwauri musi iyi mimuya ye ya vha i fhasi ha aljari heneffo, ye ya tanganedza dzinguvh... Vho newa dzinguvh, hu si uri vho dzi shumela, ngauri vho vha vhe kha tshifhinga tsha musi Mudzimu o vha a tshi kha di shuma nga tshilidzi na Vhannda, hu si Vhayuda. Israele i tshidzwa sa lushaka. Mudzimu u shuma na Israele sa lushaka. Vhannda ndi "vhatvu vha Dzina Lawe," hu si lushaka lwa Dzina Lawe. Israele!

<sup>156</sup> Huno musi Hitler na vharwe vho tovhola Vhayuda, nahone vho ita zwithu zwe vha ita fhasi ha uyo; sedzani, vhone, Stalin,

Hitler, na avho vhavhusawoga vhothe vho no vuwa. Arali ro vha ri na tshifhinga, tshire, ri nga dovha ra zwi vhudza vhañwe vhaswa vho daho, fhedzi ro no fhira khazwo. Fhasi ha tshenetsho tshikhathi tshithihi, zwauri kha la Dzheremane na—na dziñe tshaka dzothe, ho vha na Vhayuda vho balanganaho na shango lothe. Fhedzi heneffho ho vuwa, kha miñwaha ya fumbili yo fhiraho, mutovholo u vhavhaho wa u lwa na Vhayuda.

<sup>157</sup> Ndo vha ndi henengei nnđa kha mafhethu a kale he vha fhisa mivhili yavho, huno vha i dugisa ya vha milora, nahone vha shumisa...vha shumisa milora yavho u ḥonisa mavu, vhana vha Vhayuda, na vhasadzi, na tshiñwe na tshiñwe. Zwenezwo vha lingedza u zwi landula; vha vha bvisela heneffho nnđa nahone vha vha sumbedza he zwa itwa hone.

<sup>158</sup> Wo vha mutovholo u vhavhaho wa u lwa na Israele, ngauri tsho vha tshi tshifhinga tsha musi i tshi khou vhidzelwa murahu kha Tshipfumelo. I kha di vha fhasi ha tshipfumelo tsha ngwana ya mvelo. Ngwana ya Mudzimu ya vhukuma ndi Tshipfumelo, huno o Tshi landula, huno Malofha o vha e khae u bva tsheetsho. Dzhielani nzhele, a tshi khou ita uri vhathu vha dilugise! Nga ndila ine Lufhalafhala Lwa Vhusumbe na Pfundo La Vhusumbe zwa vha zwo fhelelaho ngayo, zwi fhethu huthihi īwo fhelelaho, mutovholo wa Vhayuda.

<sup>159</sup> Limuhani, kha Nzumbululo ndima ya vhu<sup>9</sup> na ndimana ya vhu<sup>13</sup>, zwino dzhielani nzhele nga vhuronwane vhukuma, fhasi ha Lufhalafhala Lwa Vhurathi. Nzumbululo 9:13, fhasi ha Lufhalafhala Lwa Vhurathi, limuhani, ho vha hu na vhanna vha bere vha zwigidi zwa madana mavhili vhe vha vha vho vnoxwa mulamboni wa Furata, vha vhofhololwa fhasi ha Lufhalafhala Lwa Vhurathi. Zwino a hu na vhanna vha bere vha zwigidi zwa madana mavhili shangoni; fhedzi ho vha hu na vhanna vha bere vha zwigidi zwa madana mavhili. Zwi dzhieleni nzhele. Ndi ḥoda inwi ni tshi zwi ñwala fhasi, uri ni kone u zwi vhala.

<sup>160</sup> Dzo vha dzi si bere dza mvelo. Dzo fema mulilo, huno dzo vha dzi na tshipilakhana tsha jasipere, nahone—nahone dzi na mitshila. Magumoni a mutshila ho vha hu tshi nga ḥowa, thoho ya ḥowa magumoni ayo, i tshi luma. Ni a vhona? Ho vha hu bere dza mya, vhodiabolo vha mya, vhalisa, vhe vha vha vho vnoxwa kha Furata iyi miñwaha yothe, vhodiabolo vha ḥha ha mupo. Naa ho vha hu mini? Mphaya ya Roma ya kale i tshi khou vusuludzwa; mutovholo wa Vhayuda. Dzo vnoxwa lwa miñwaha i ḥodaho u swika zwigidi zwivhili, mulamboni wa Furata, dzi nga si pfuke pfulufhedziso; vhakheluvi vha vhurereli vhe vha vha tshi khou lingedza u ya kha ḥinwe sia. Furata, ni a divha, u da nga kha Edeni. Fhedzi dzo vha dzo vnoxwa heneffho, vhodiabolo vha mutovholo vha zwigidi zwa madana mavhili.

<sup>161</sup> Huno dzhielani nzhele zwine zwa bvelela fhasi ha ulwo Lufhalafhala Lwa Vhurathi. Vho vhofhololelwa kha Vhayuda; mutovholo wa Vhayuda. Vhodiabolo vha nthia ha mupo, lwa minwaha i todaho u swika zwigidi zwivhili, tshifhingani itsho dza vhofhololwa nga Stalin, Hitler, kha Vhayuda. Inwi ni ri, "Zwo ralo, idzo a si dza Vharoma." Ndi muya wonoyo muthihi. Vho ita zwenezwo zwithihi zwe vha ita kha Vhakriste, mađuvhani a kale a vhuhedeni ha Vharoma. Zwino sedzani Israele ya mvelo, na Tshivhidzo tsha muya zwino, vhunga ri tshi zwi fhandekanya hafha. Dzo vhofhololelwa kha Vhayuda.

<sup>162</sup> Inwi ni a elelwa, fhasi ha Pfundo La Vhurathi, nga ndila ye muñwe na muñwe wa avho vhafelalutendo, u ya nga—u ya nga Ipfi la Mudzimu, vha ḥanganedza dzinguvhho. Vho newa dzone nga tshilidzi, ngauri vho pofudzwa uri vha si kone u vhona Mafhungo-madifha avho, uri avha vhathu vha kone u vhidzelwa nnđa ha Vhannda u itela ene—ene Muselwa. Vho newa dzinguvhho, Bivhili i a amba hafha, fhasi ha ulwo Lufhalafhala. Avho Vhayuda, vhanie zwa vhukumakuma vha hanedzana na Kristo na tshiñwe na tshiñwe; tshi itisaho uri vha vhe nga u ralo, ndi ngauri Bivhili yo amba zwauri vho pofudzwa. Nahone vho pofudzwa u itela vhoinwi. Huno Mudzimu o lugaho u a zwi ḫivha uri vho vha tshi do A ḥanganedza, fhedzi vho itwa vho pofulaho u itela vhoinwi. Bivhili yo amba nga u ralo.

<sup>163</sup> Ngeyo iyo mphaya ya Vharoma, yo vhoxwaho henengei nga (mini?) maanda a vhuhuweleli. Zwine, Roma, Roma ya vhuhedeni i vha Roma ya mupapa, huno yo vha yo vhoxwa heneffo kha maitele ayo a Mukriste. Ndi tshipida-de tsha Mukriste, na—na vhubedadambi he ya vha i naho ha Roma i tshi vhea izwi zweþe fhethu huthihi; u luvha vhasadzi, na izwi zwithu zweþe zwa luñwe lushaka, na mađuvha a Khushumusi, na dziholodei, na mađuvha makhethwa, na zwithu. Yo vhoxwa nga ayo maitele lune ya kundelwa u vhofholola, ngauri i hanedzana na milayo ya Vhukriste. Hu kha di vha wonoyo muya muthihi wa u sa ofha Mudzimu, wa vhuhedeni! Huno uyo muya wo fara ngomu ha tshaka dza shango, u ya nga zwiporofito zwa Hesekiele na vhañwe vhoþe.

<sup>164</sup> Huno dzo vhofhololelwa kha Muyuda, we a vha a sa divhi tshithu nga ha Muya. Ngezwo zwiphiri zwanu zwe ðzumbiawho fhasi ha ilo Pfundo heneffo. Ni a vhona? Zwi dzhieleni nzhele. Ro fhira khazwo. Huno ndi do ni sumbedza ulu Lufhalafhala hafha, ulu Lufhalafhala lwa u fhedza, zwine zwa itea. Khedzo heneffo. Idzi Phalaphala dzi vhofhololelwa kha Vhayuda, (naa a ni vhon?) hu si kha Vhannda. Wannda, musi ayo Mapfundo a tshi pfuñululwa, o shatelwa; tshifhinga tsho guma; Tshivhidzo tsho vhiðzwa.

<sup>165</sup> Inwi ni a elelwa bono liña ñuvha? Elelwani u re—... u sumbedzelwa phanda hatsho? Naa ndi vhangana vha no elelwa, Swondaha ya phanda ha yo fhiraho? Ndila ye heneffo zwa

vha zwi kokotolo, zwa ḏa. Ro zwi vhona, kokotolo, ro vhona itsho tshithu tsha tshika, tsho tshikafhalaho tshi tshi ḏa, tshi vhidzwaḥo tshivhidzo, mikhwa mivhi yo yesaho. Huno uyo Muselwa muṭuku, wa lushaka luīwe na luīwe, muīwe na muīwe wavho o ambara vhunga lushaka lune vha bva khalwo, vha tshi khou tou tshimbila lwo fhelelaho phanḍa ha Murena.

<sup>166</sup> Inwi dzhielani nzhele, hu ḏo vha na tshifhinga, tshiñwe tshifhinga, musi vha tshi ḏo ri, “Zwo ralo, ndo elekanya uri Tshivhidzo tsho vha tshi tshi tea u ṭuwa mutovholo u sa athu swika. Ndo elekanya uri hu na U Takulelwā Ṭadulu.”

“Ho no ḏi fhira huno a no ngo zwi ḏivha.”

Izwo ndi zwe A amba nga ha Yohane nga tshiñwe tshifhinga, ni a ḏivha.

<sup>167</sup> Ha pfi, “Hani, ndi ngani vhaporofita vha tshi amba uri... vha mañwalo, uri Eliasi u fanela u ḏa u thoma?”

<sup>168</sup> A ri, “O no ḏi ḏa.” Na vhafunziwa a vho ngo zwi ḏivha. “Vho mu ita zwe vha funa.”

<sup>169</sup> U Takulelwā Ṭadulu hu ḏo vha nga ḏila i fanaho. Nga—nga awara... O fulufhedzisa u ita hezwo. Ho ngo fulufhedzisa u ḥana Eliasi nga u ralo, fhedzi O fulufhedzisa u dzhia Muselwa nga u ralo. “Nga awara ine na sa elekanye,” tshanduko fhedzi, nga tshikhathinyana tsha u poidza ha ḫo, u ḏo dzhiwa. Zwenezwo no siiwa, zwenezwo itsho ndi tshifhinga!

<sup>170</sup> Miñwaha ya zwigidi zwivhili, uyu muya nga kha vhathu vha Vharoma, tshivhidzo tsha Vharoma, tsho kundelwa u sudzuluwa. Fhedzi uyo muya wonoyo muthihi u no khou ḏa, u thoma, ngei fhasi ngomu ha Mussolini ngei Roma, muvhusawoga. Ni a ḏivha vhaṭanu...

<sup>171</sup> Ndi zwithu zwa sumbe zwe A ntsumbedza, nga '33, uri zwi ḏo khunyelela. Zwiṭanu zwazwo zwe no ḏi fhira. Dokotela Lee Vayle u khou ḥwala bugu nga hazwo zwino. Ni a vhona? Zwithu zwiṭanu, lwo fhelelaho, huno ho tou sala zwithu zwivhili zwi no tea u bvelela. Ho pfi, “Zwi ḏo bvelela hu sa athu swika U ḏa.” Hafha ri heneffo kha vhuſhelo zwino, huno hu vhonala hu tshi nga itsho tshithu tsha vhurathi tshi khou sudzulutshela heneffo ḥtha. Ni a vhona? Lwo fhelelaho, kokotolo, na dzinndwa na nga ḏila ine dza ḏo bvelela, kokotolo nga u tou ralo, huno a hu na tshifhinga na tshithihi he zwa pfuka.

<sup>172</sup> Thetshelesani, vhathu, ri tea u ḏitola awara iñwe na iñwe. Inwi a ni ḏivhi he ra ima hone. Tsini v̄hukuma!

<sup>173</sup> Zwino, zwino o vhofholola, kha, fhasi ha ḫo Pfundo La Vhurathi, aya madimoni a muya a zwigidi zwa madana mavhili, o thomaho ngei Roma, Dzheremane, Hitler. Huno dzhielani nzhele nga hangei Bivhilini, he vha ḥanganedza, na

kathihi... Vho tanganedza maanda sa dzikhosi, fhedzi vha si ambadzwe khare. Muvhusawoga a si khosi yo ambadzwaho khare; u tou tanganedza maanda vhunga khosi.

<sup>174</sup> Oo, Muya wa Mudzimu u khou tshimbila nga kha nne zwino, ni a divha, u khou tou amba tshiñwe tshithu. A thi divhi uri ndi nga zwi amba hani, kana uri ndi nga ri mini, huno khamusi ndi khwine ndi sa ambi.

<sup>175</sup> Dzhielani nzhele, zwivhili zwigi-... madimoni a zwigidi zwa dana o vhofhololelwaho kha avho Vhayuda, musi vha tshi vha fhisa, vha vha vhamba. Vho dzenisa mapulo tsingani dzavho. Vha vha vhulaha, u swika vha si tshe na xasi ya u vha vhulaha ngayo. Huno vha vha thuntsha, u swika vha si tshe na gulu dzo engedzeaho dza u vha thuntsha ngadzo. Huno vho—huno vho ita tshiñwe na tshiñwe tshe vha kona. Vho dugisa mivhili yavho ya vha milora, na tshiñwe na tshiñwe; nahone vha nembeledzwa kha khura, vhana na vhothe, vhathe vha si na mulandu. Ngauri vho vha vhe Vhayuda, vho itwa nga iyo ndila. Fhedzi Mudzimu o amba uri U do nea muñwe na muñwe wavho nguvho, vha songo fanela sa zwe vha vha vhe zwone; fhedzi tshilidzi Tshawe tsha u vha pofudza uri riñe ri kone u vhona.

<sup>176</sup> Pfundo La Vhusumbe a li athu pfuñululwa, ni a divha. Uho ndi U Da Hawe.

<sup>177</sup> Ngauralo musi vha tshi kha di vha phasi ha henefho, fhedzi, U a ri sumbedza hafha, kha u sumbedzelwa phanda. Vhunga Yohane, O mu isa nthia.

<sup>178</sup> Huno nga tshiñwe tshifhinga, a tshi khou tshimbila kha lwanzhe, ni a divha; o ri, “Mini-ha nga ha uyu munna a no ditika nga khana Yau?”

<sup>179</sup> A ri, “Naa ndi mini kha iwe arali a tshi dzula u swika Ndi tshi da?” Ni a vhona, na kathihi ho ngo dzula, fhedzi O mu isa nthia huno a mu sumbedza hetsho, tshithu tshire tsha bvelela u swika A tshi da. O tou mu sumbedza, a dovha a sumbedza Yohane pułane yothe.

<sup>180</sup> Dzhielani nzhele, zwino ri wana uri ayo maanda a mvelo phasi ha mvelo, kha lushaka lwa mvelo, Israele, o vhofhololwa henefho. Huno yo itani? Yo ya ya ita nndwa, nahone nga ndila ye ya vhulaha na u tovhola.

Zwino kha fhethu ha vhuhuweleli hazwo! Ndi... inwi ni...

<sup>181</sup> Ndi a fhulufhela uri Mudzimu u vula mañu anu kha izwi zwino. Ngauri, ndi a limuha uri izwi a zwi tou vha u amba na itshi tshivhidzo fhano. Iyi theiphi i ya shangoni nga vhuphara. Huno a thi khou amba u vhaisa vhudipfi ha nnyi na nnyi, fhedzi u tou amba Ngoho fhedzi.

<sup>182</sup> Zwino fhethu ha vhuhuweleli ho no vulwa, u bva kha mvuseledzo ya mvelo ya Roma ya kale ya vhuhedeni, ha ya kha

avho Vhayuda, he tshifhinga tshothe ha vha hu swina lavho. Nda, i na mano na tshinwe na tshinwe, yo sinda fhasi huno ya vunda vhathu. Roma, tshifhinga tshothe yo vha i swina la Mudzimu! Huno yo vhofhololwa nga wonoyo muya muthihi, nga vhavhusawoga vha shango, ngauri sisteme ya vhurereli yo vha i tshi kha di vha yo farelela. Zwino yo vhofhololwa.

<sup>183</sup> Naa yo itani? Nga “vhukwila,” vhunga O amba, u dzhena ngomu vhunga vhufhura. Huno o itani? U khou disa Khoror Ya U Vhuedzanya ya Zwivhidzo Zwa Shango Ya Porotestanti, muya wa mulwanakristo khadzo dzothe, u tshi khou vha disa kha bulayo, u tou fana na zwe vha ita vhañwe, kha awara ya u vhidza Muselwa. Hani? Ho vhofhololwa kha muya wa vhuhuweleli wa tshivhidzo. Ho vhofhololwa kha mini? Hu si kha dzidinomineisheni; kha Muselwa! Fhedzi hafha ni do zwi wana, Muselwa ha nga do fhira nga kha itsho tshifhinga. Bivhili i ri hai. Tshivhidzo tshi do ralo, fhedzi hu si Muselwa. Naa a ni koni u vhona? Vhashumeli, naa a ni koni u vhona izwo, vharathu?

<sup>184</sup> Inwi ni ri, “Tshivhidzo tshi tea u fhira nga kha mutovholo, u itela—u itela uri Tshi fhelele.” Malofha a Yesu Kristo a ita uri Muselwa a fhelele.

<sup>185</sup> Munna a no nanga mufumakadzi ha mu fhirisi nga kha phanishimennde nnzhi; o no di wana tshilidzi, na ene-who, nae; o wana tshilidzi nae. U—u a mu fulufhedzisa u mu mala. Nahone, arali hu na tshinwe tshithu, u do mu vhulunga kha fhethu huñwe na huñwe ha u rembulusa tshanda tshawe. Tshilidzi tshawe ndi tshihlwane nga maanda khae.

<sup>186</sup> Huno ngauralo tshi do ralo kha Muselwa, huno ngauralo tsho ralo kha Muselwa. Riñe zwivhumbwa zwi songo fanelaho, zwo teaho vhudzulavhafu, fhedzi tshilidzi Tshawe tshi a ri fara ra hu fhira. Sedzani uri ndi vhangana vho xelaho nahone vho pofulaho! Ndi vhangana, ndi vhangana vhatatzwivhi vhe vha vha vhe hone shangoni, awara ye nda tshidzwa ngayo! Mudzimu o ntshidza u itela ndivho; huno ndo diimisela tshothe, nga lufuno Lwawe, u ita iyo ndivho. A thi londi zwine tshinwe tshithu-who tsha amba; ndi toda u zwi ita.

<sup>187</sup> Huno nga awara ya musi ndi tshi vhona zwivhidzo zweithe, lunako lu kungaho lwazwo, “huno ro pfuma, huno a ri todi tshithu,” zwi a amba; huno nda zwi vhona, zwi a tungufhadza, zwo dzhielwa, zwo pofula; zwenezwo zwi tshi ni phaphatha kha mahada, zwi toda inwi ni tshi leludza nazwo. Ndo bebwa hu na ndivho, iyo ndi u hatula itsho tshithu na u vhidzela mnnda. Izwi ndi a ita.

<sup>188</sup> Elelwani, musi Yesu a tshi da kha lifhasi, ho vha hu si na tshithihi tsha dana tsha vhathu kha lifhasi vhe vha vhuya vha zwi divha uri O vha e fhano. U da u wana itsho tshigwada tsho nangiwaho. Ho pfi, “A hu na muthu ane a nga da kha Nne

nn̄dani ha musi Khotsi Anga o mu kokodza. Huno vhothe vhe Khotsi a,” likhathi lo fhiraho, “n̄nea, vha do da. Vha do zwi divha. Vha do Li pfa.”

<sup>189</sup> Dzhielani nzhele u vhofhololwa ha muya wa vhuhuweleli. Zwino nga murahu ha miñwaha ya fumbili, nga murahu ha iyo nndwa, ri vhona u vhofhololwa ha muya wa vhuhuweleli. Fhasi ha mini? Pfundo La Vhusumbe; Phalaphala Ya Vhusumbe kha Muyuda.

<sup>190</sup> Sedzani nwedzi u tshi swifhala. Fhasi ha mini? U vhone ni wo oliwa, Murwa-muthu o pandelwa tshivhidzoni.

<sup>191</sup> Naa ndi mini? U vha murađo wa tshivhalonyana tsha vhuhuweleli. Nyi—nyito ya u vhuedzanya, nahone na Khoro Ya Lifhasi Ya Dzigereke, dzo pandela muthu muñwe na muñwe... Naa itsho tshithu tshi imelani? Mulandu, ni tea u nekedza pfunzo dla vhuevangeli dzañu dzothe na zwithu. “Naa vhavhili vha nga tshimbila hani vhothe vha songo tendelana?” Vha nga si kone. Yesu o ri vha nga si kone. Huno tshivhidzo tshi nga kona hani, vha Methodisi na Vhabaphuthisi vha tshimbila vhothe? Naa Tshivhidzo tsha Kristo tshi nga tshimbila hani na Vhapuresbiterieni? Naa Mukatolika a nga tshimbila hani na Muporotestanti? Naa Muporotestanti a nga tshimbila hani na Muporotestanti?

<sup>192</sup> Fhedzi Muselwa a nga kona u tshimbila na Ipfi, line la vha Kristo. Hu fanela u vha nga thendelano. Hu si sisteme ya vhuhuweleli; fhedzi Ipfi. Inwi ni tea u tendelana na Ipfi, u tshimbila na Ipfi. Yesu o amba nga u ralo. Izwo zwi a zwi lugisa.

<sup>193</sup> Dzhielani nzhele, ngoyo zwino. O vhofhololwa, u vhidza aya magumo o vhofholowaho matuku othe, “Oo, zwe luga, a zwi iti phambano, naho zwe ralo.”

<sup>194</sup> Izwo ndi zwe Sathane a vhudza Efa, “A zwi iti phambano. Zwe luga. Ngoho, Mudzimu ndi Mudzimu wavhudzi. U a ri funa rothe.” Ha ralo.

<sup>195</sup> Inwi ni pfa zwinzhi nga maanda nga ha u vha Hawe Mudzimu wavhudzi. Ndi Mudzimu wavhudzi, fhedzi, e wavhudzi, U tea u luga. A hu na vhudi hu si na khañhulo kwayo. A hu na khañhulo kwayo hu si na mulayo, hu si na phanishimennde, tshigwevho. Ngauralo ri kha iyo awara, ine ra khou tshila khayo.

<sup>196</sup> Dzhielani nzhele, nga u t̄avhanya zwino, aya madimoni a n̄tha ha mupo. Zwenezwo, fhasi ha—fhasi ha vhusedzi ha Khoro ya Lushaka, zwigwada zwe tanganaaho fhethu huthihi, zwa Vhubvañuvha na zwa Vhukovhela.

<sup>197</sup> U tou fana na mulenzhe wa tsha u la na wa tsha monde wa tshifanyiso tshe Daniele a tshi vhona, nga ndila ye vha sa kone u tendelana huno vha vanganana. Huno ipfi Eisenhower, nga itsho tshifhinga... Eisenhower li amba “tsimbi.”

*Khrushchev* li amba “vumba.” Huno o kokodza tshienda tshawe huno a tshi rwisa [Mukomana Branham u khokhonya kha phuluphithi—Mudz.] na desike ngei... musi Mulangano wa Dzitshaka, kana U...ngei kha UN. Khrushchev o ita, a tshi khou bvisa buse kha... Yawee, nñenñe! Awara ine ra khou tshila khayo! Tshivhidzo na nyimele yatsho!

<sup>198</sup> Fhedzi, livhuwani Mudzimu, Muselwa mułuku o Dilugisa. Hu nga si do fhela tshifhinga tshilapfu. Itonu farelela. Hu nga si vhe tshifhinga tshilapfu. A thi ñivhi uri hu do fhela tshifhinga tshingafhani, a thi ñivhi uri lini; a hu na muthu a no zwi ñivha hezwo. Fhedzi ri a zwi ñivha uri zwi tsini zwino, zwa vhukuma.

<sup>199</sup> Sedzani vhuhuweleli. Vhu sedzeni uvho, ha mvelo, zwe ha ita kha avho Vhayuda. Avho vho vha vhe vhathu vhe vha vha vho farelela kha milayo ya Mudzimu. A hu londwi uri ho vuwa zwivhidzo zwingana, uri mini-vho, vho vha vho pofudzwa kha Kristo, huno vho farelela kha uyo mulayo. Huno Mudzimu o vha nea dzinguvho, muñwe na muñwe wavho, ngauri vho tsela fhasi kha vhufelalutendo. Ni a vhona? Vhone vha—vhone vha... Vho vha vho pofudzwa u itela riñe.

<sup>200</sup> Hafha zwino, Tshivhidzo, itsho a tshi ñivhi tshithu nga nn̄da ha Bivhili. Hu sa londwi sisteme ya vhuhuweleli, dinomineisheni, a vha ñivhi tshithu nga hazwo. Zwothe ndi zwisili khavho. Vha a Mu ñivha, nahone Ene fhedzi.

<sup>201</sup> Vhathu ñamusi vha tou nga zwe Petro na vhañwe vha vha vhe zwone, n̄ha ha Thavha ya Phenyiso. Vho vha na mafulufulu vhothe musi vho vhona zwe zwa n̄ha ha mupo zwa ita, huno muñwe a ri, “Ri do ita tshivhidzo tshithihi tsha—tsha vhaporofita, na tshiñwe tsha Mushe.”

<sup>202</sup> Huno iyo ndi ndila ye vhathu, Vhapentekostała vha ita. Vho ri, “Ri do ita tshithihi, Khuvhangano ya Mudzimu; na tshiñwe, tshivhidzo tsha Mudzimu; na tshiñwe, Vhuthihi; na tshiñwe, Vhuvhili,” na zwiñwe-vho nga u ralo.

<sup>203</sup> Fhedzi musi o vha a tshi kha di amba, Jehovah a vhidzelela, “Uyu ndi Murwa mufunwa Wanga,” Ane a vha Ipfi, “ni Mu pfe!” Ni a vhona? Ndi ene Ipfi.

<sup>204</sup> Awara ine ra khou tshila khayo, vhahuweleli, vha mimuya i no khou tangana fhethu huthihi zwino nahone i tshi khou vha disa vhothe kha ili bulayo líhulu líthihi, u tshinyadza. Zwo no di vha hone nga u ñwaliwa hafha, kha ulu lushaka zwino, zwine izwi zwivhidzo zwa tea u valiwa nn̄dani ha musi ni na dzangano. Ndi mbumbano, ndi u iledza, u tou fana na luswayo lwa lívhanda.

<sup>205</sup> Huno zwino ni a vhona zwine livhanda la vha zwone, a ni ralo? Ndi maanda. Nahone maanda, maanda a vhuhuweleli, Yesu o ri, “A do vha tsini nga maanda na tshithu tsha

vhukuma, a do fhura Vhanangiwa vhenevho arali zwo vha zwi tshi konadzea.” Fhedzi O fulufhedzisa u vha na tshiñwe tshithu hafha u itela rine nga ilo duvha, uri ri sa do fhurwa, huno itsho ndi Ipfi, na Kristo u Li ita uri li vhonadzwe kha rine. Ndi vha nthia ha mupo, vhodiabolo, vha sa vhonwi nga ito, fhedzi ni a konà u vhona zwine vha khou ita. Ni a vhona?

<sup>206</sup> Dzhielani nzhele, musi itsho tshigwada tsho namela, vha tshi khou dilugisela u kandekanya tshiñwe na tshiñwe tshine tsha sa do tendelana navho, hu na tshiñwe tshigwada tshi no khou lugiswa, nga murahu ha tshifhinganyana, Nzumbululo 19. Tshifhinga tshi daho musi Tshivhidzo tshi tshi pfiwa, U a da, na ene, hu si e kha dzibere kokotolo, fhedzi Bivhili yo ri, “O vha e kha bere tshena, huno mayhuthu a Tađulu o vha a tshi khou Mu tevhela e kha dzibere tshena.” Izwo ndi zwone?

<sup>207</sup> Musi itshi tshigwada ngeno fhasi tshi na dza zwigidi zwivhili dzo vhoxwaho mulamboni wa Furata, huno dzo vha dzo vhoxwa lwa miñwaha ya zwigidi zwivhili, na itsbo tshivhidzo tsho vha tsho vhofha Muya Mukhethwa lwa miñwaha i ḥodaho u swika zwigidi zwivhili, fhasi ha vhufelalutendo ngei murahu, na fhasi ha zwikhathi zwa tshivhidzo. Tsho vha tsho vhofhiwa, hu si kha mulambo wa Furata, fhedzi muñangoni wa dzindaela na dzidogima, lune Muya Mukhethwa u nga si kone u shuma tshivhidzoni nga ñwambo wa sisteme dzo itwaho nga muthu. Fhedzi Tshone tshi khou yo vhofhololwa, Tshi khou vhuya, izwo ndi zwe Bivhili ya amba. Huno izwo zwivhili zwi ḥangana vhuponi ha nndwa, Lusifa na Mikaele hafhu, vhunga ngei u rangani. Dzo vha dzo vhoxwa lwa miñwaha ya zwigidi zwivhili, kaṭukuṭuku, kaṭukuṭuku lwa miñwaha ya zwigidi zwivhili.

<sup>208</sup> Hu si zwigidi zwivhili kokotolo, ngauri Vharoma vho dzulela u tshimbila, Tito nga A.D. 96, na u tsa fhasi nga u ralo, vha vhulaha Vhayuda. Vharoma! Naa ndi vhonnyi vho vhulayaho Vhayuda? Naa Tito o vha e nnyi? Mudzhenerala wa Vharoma. Malofha o kungulusela nn̄da dzikhoron heneffo fhasi, u swika kha...oo, huno vha vha vhulaha, vhasadzi, vhana, na tshiñwe na tshiñwe. Naa Hesekiele 9 a yo ngo ri vha do ita izwo? “Iya vhukati ha muđi huno u vhee luswayo kha vhatu vha gomelaho na u lila,” wone—wone Muya Mukhethwa. Huno vhañwe vhothe, “munna a vhulayaho a da,” ane a do vha o vhoxwa; a vha fara, a vha fara, u swika vha tshi ya huno vha vhulaha tshiñwe na tshiñwe tshe tsha vha tshi ngomu heneffo. Vhasadzi vhañku, vhasadzi, vhana, vhushie, na tshiñwe na tshiñwe-vho, vhothe vha vhulawa. Kokotolo.

<sup>209</sup> Ngeyi hafhu, i khou didovholola. Huno ngeyi iyo sisteme ya vhuhuweleli i tshi khou vhuya murahu, i tshi khou fhihamelwa, i tshi khou kandekanya tshiñwe na tshiñwe tshi no vhidzwa Mudzimu. Oo, vha na sisteme dzavho, na madzangano, na dzidinomineisheni, fhedzi izwo a zwi na

mushumo na Bivhili. Vha do ni vhudza nga u t̄avhanya uri a vha vhuyi vha Li tenda. Ee, muñe wanga. “Ambani zwine tshivhidzo tsha amba.”

<sup>210</sup> Ndi zwine Mudzimu a amba! Ilō ndi Ipfi. Muselwa u na Maipfi; vha Muthihi. Naa vha nga vha hani Muthihi? Musi ilō Ipfi, lo ñwaliwaho ngomu Heneffo, li tshi vha kha inwi, huno la ita—la ita uri inwi na Ipfi ni vhe Muthihi. Izwo ndi zwone kokotolo zwe A fulufhedzisa.

<sup>211</sup> Zwenezwo, U a t̄alutshedza. Mudzimu ha t̄odi muñalutshedzi. Vhone vha ri, “Zwo luga, riñe ri Li t̄alutshedza nga ndila iyi.” Inwi a ni na pfanelo ya u t̄alutshedza tshithu. Mudzimu u ita t̄halutshedzo Ya Ene muñe. Mudzimu o amba, “Kha hu vhe na tshedza,” huno ha vha na tshedza. Naa ndi nnyi a no t̄alutshedza itsho? O ri, “Musidzana u do dihwala,” huno a ralo. Izwo a zwi t̄odi muñiwe muñalutshedzi-vho; zwo no di t̄alutshedzwa. Mudzimu o amba zwauri izwi zwithu zwi do bvelela nga lino duvha, huno zwo ralo. A li t̄odi muñalutshedzi. Li a D̄iñalutshedza. Yawee, nnenñe!

<sup>212</sup> Nzumbululo 9:1, fhasi ha Lufhalafhala Lwa Vhuñanu, khosi yavho...Dzhielani nzhele, Nzumbululo 9:1 zwino, khosi ya itshi tshigwada tshihulwane tsha bere dza zwigidi zwa madana mavhili. Dzo vha dzi na khosi i dzi langaho, nahone, arali ri tshi dzhiela nzhele, yo vha i ñaledzi yo waho. “Ndi ngani iwe wo wa u tshi bva t̄adulu, Oo Lusifa?” Oo, nga ndila ye Dokotela Smith a wana izwo zwi tshi timatimisa nga maanda ngei nt̄ha, fhedzi, zwo luga, ni a vhona, zwo vha zwi si zwa ino awara. Ni a vhona? Zwo luga. “Ho vha hu dindi lo itaho mugodi; khosi yadzo yo vha i khosi ya dindi lo itaho mugodi.”

<sup>213</sup> Nzumbululo 17:8. Ndo ñwala tshiñwe tshithu hafha fhasi. Ndi khou tou yo tshi vhala. Inwi ni a vhona hafha, Nzumbululo 17:8. Ndi t̄oda u vhona zwine ya amba zwone hafha, ngauri a thi ñivhi uri ndi nga tou rwa hani iyi i tevhelaho, 17:8.

Huno livhanda le wa li vhona lo vha li hone, huno a liho; huno li do gonya la bva dindini lo itaho mugodi, huno li do ya tshinyalon: huno avho vha no dzula kha lifhasi v̄ha do mangala, vhe madzina avho a sa ñwalwe buguni ya vhutshilo—ya hone vhutshilo u bva tshee shango la tehwa, musi vha tshi vhona livhanda le la vha li hone, line la sa vhe hone, nahone line la do vha hone.

<sup>214</sup> Ni a vhona, “lo vha li hone,” muñiwe mupapa u a fa, muñiwe u a gonya. “Livhanda le la vha li hone, line la sa vhe hone, line la vha hone; line la sa vhe hone, line la vha hone.” A li shandukisi nzudzanyo yalo; ndi mupapa, nga tshifhinga tshenetsho tshithihi, tshiñwe na tshiñwe. Tshiñwe na tshiñwe tshi tea u dzhena kha sisteme yeneyo nthihi.

<sup>215</sup> Huno li do da ngafhi? “Kha dindi lo itaho mugodi.” Huno Bivhili yo amba hafha, zwauri, “Murangaphanda wa avha

vhatu o vha a tshi bva madindini o itaho mugodi, huno uyo o vha e khosi yavho," huno u dzula e na khare tharu, huno a tshi vha murado na Vhaporotestanti.

<sup>216</sup> Ndo pfa tshifhe wa Lutere a tshi amba, lija duvha, a tshi ri... kana, mureri wa Lutere, a tshi ri, "Zwo ralo, vhatu vha a mmbudzisa uri ndi ngani ndi tshi ambara kho—kholoro. Naa vha nga mmbudza hani zwi bvaho kha..." Naa inwi no vha ni hone? [Mukomana u ri, "Ee."—Mudz.] Iina. Huno, izwo, naa izwo zwo vha zwi sa seisi? Ndo—ndo pfa ndi tshi nga ndi nga tanza, nda tuwa pulatifomoni. Vha ri, "Ngauri, a ho ngo tea u vha na phambano."

<sup>217</sup> Arali Luther, Martin Luther, o vha a tshi do pfa izwo, o vha a tshi do rembuluwa tshaloni tshawe, a ri, "Vhoinwi vhahoi, vhoinwi a ni vha zwiimoni zwanga." Uh-huh. Ni a vhona?

Fhedzi ni a divha he ya wana? "A hu na phambano."

<sup>218</sup> Hu na phambano. Zwi a fhambana kha muthu. Mudzimu o ri, "Inwi Mphandekanyeleni, na Paulo na Baranaba," izwo ndi zwone, "u itela mushumo." Fhandekanyani! Mudzimu ndi muhandekanyi, hu si muvanganyi. Mufha-... Tshivhidzo tshi toda muvanganyi wavhudzi, namusi, ane a nga vha tendela u ambara swuthu dza u tambo, na dzishothi, na tshiñwe na tshiñwe-vho, huno vha bva nahone vha bvela phanda nga u ralo. Fhedzi Mudzimu o ri, "Inwi Mphandekanyeleni!" Difhandekanyeni na shango!

<sup>219</sup> Nzumbululo, ri a wanulusa hafha, zwauri, "khosi yavho yo vha i tshi bva madindini o itaho mugodi," huno onoyo muthihi we "a ya tshinaloni," ngomu na nnnda, ngomu na nnnda, o bva.

<sup>220</sup> Dzhielani nzhele kha Levitiko, ndima ya vhu23, uri thalutshedzo ndi yo fhelelaho hani na nzudzanyo ya Ipfi, na tshire ra khou lingedza u nea zwino. Sedzesani itshi zwino, nzudzanyo. Zwino ri a dzhieila nzhele. Kha ri fhende nahone ri vhale izwo lwa tshikhathinyana. Kha Mujuwe-... hu si kha Mujuweleli, fhedzi kha Levitiko. Levitiko 23, zwino dzhielani nzhele izwi hafha, Levitiko ndima ya vhu23 zwino. Huno a ri todzi u pfukiwa nga izwi na luthihi, zwino, uri ri kone u zwi wana kokotolo nga ndila ye Murena a ita uri zwi nwaliwe hafha u itela riñe. Nne zwa vhukuma ndi nga si wane Levitiko kha Ekisodo, ndi nga kona? Zwo luga, Levitiko zwino. "Huno Murena..." vhu23.

...MURENA a amba na Mushe, a ri,

*Amba na vhana vha Israele, u ri, Nga nwedzi wa vhusumbe, nga duvha la u thoma la nwedzi, ni do vha na sabatha, tshihumbudzo tsha u lidza phalaphala, na u kuvhangana hukhethwa. Ni a vhona?*

*Ni do ita...wone mushumo une na u shuma khaho: fhedzi a ni nga do nekedza...zwithavhelo zwo itwaho nga mulilo kha MURENA.*

*...huno ni do nekedza tshiṭhavhelo tsho itwaho nga mulilo kha MURENA.*

<sup>221</sup> Zwino sedzesani. Zwino dzhielani nzhele.

*Huno MURENA a amba...Mushe, a tshi ri,*

*Nahone nga duvha la vhufumi la wone nwedzi wa vhusumbe hu do vha na duvha la tshone tshipfumelo:...*

<sup>222</sup> Ni a vhona, tshipfumelo tsho tevhela... Sedzesani zwino. Tshipfumelo tsho tevhela u lila ha lufhalafhala. Ni a vhona? Zwo naka hani! Ni a vhona? Duvha la tshipfumelo lo tevhela lufhalafhala.

<sup>223</sup> Zwino—zwino, mađuvha a fuṭhanu a phalaphala, u itela riñe, a fanyisa musi lufhalafhala lu tshi lila ngei pentekoste, ye ya vha i mađuvha a fuṭhanu. Zwino—zwino—zwino, nga murahu ha izwi, Vhayuda Itsho vho tshi landula.

<sup>224</sup> Zwino Phalaphala ndi dza u vha vhidzela murahu kha itsho Tshipfumelo, ni a vhona, Tshipfumelo tshe vha tshi landula. Huno vho landula uri mađo ashu a kone u vulwa; avho o vha o valiwa. Huno nga itshi tshifhinga, aya Mapfundo a pfuṇululea, huno dzone—dzone—dzone Phalaphala dza lila. Huno zwino, kha u lidzwa ha Phalaphala, zwenezwo Mesia a sa athu da, ngauri vha tea u vha ngei Palestina. Huno ni a ezelwa zwauri Mudzimu o do tea u kondisa mbilu ya Farao, u vha bvisa Egipita; huno A kondisa Stalin, Mussolini, na avho vhothe, u vha vhusela murahu ngomu ha shango lo fulufhedziswaho, hune vha zwigidi zwa ḫana na fuinaiṇa vha tea u vha hone.

<sup>225</sup> Huno zwino, lwa u thoma kha miñwaha ya zwigidi, miñwaha ya mađana a fumbilithanu, zwine Israele ndi lushaka lu re na fulaga yalwo, mmbi yalwo, na zweithe, nahone i dzhielwa n̄ha kha—kha UN. Ndi lwa u thoma yo ralo. Fulaga ya kalesa ye ya vhuya ya fhefheda kha liphasi, nga itshi tshifhinga, i khou fhefheda hafhu, ya thanu... ḫaledzi ya ḫodzi dza rathi ya Dafita. O ri U do imisa itsho tshiga mađuvhani a u fhedzisela, musi lu tshi do vha lu tshi khou vhuya murahu. Ri kha vhufhelo. A hu na u timatima nga hazwo. Ri hafha.

<sup>226</sup> Dzhielani nzhele zwino, nga u ḫavhanya, Nzumbululo 9, phasi ha lufhalafhala lwa vhusumbe, “khosi yavho i bva madindini o itaho mugodi.”

<sup>227</sup> Zwenezwo kha Levitiko, zwino, ḫalutshedzo ndi yo fhelelaho hani i re hafha na Ipfi! Ngauri, ni a vhona, nga u ḫavhanya tshi no tevhela, mihuvho ya pentekoste yo tevhela

duvha la tshipfumelo; nzudzanyo ya tshifhinga tsha tshimima. Vhukati ha tshimima tsha pentekoste, u ya kha tshipfumelo, u lila ha phalaphala u itela tshipfumelo, tsho vha tshi tshimima tsha pentekoste, phiriodi ndapfu ya tshifhinga. Sedzani, ho vha hu na phiriodi ndapfu ya tshifhinga vhukati ha tshimima tsha pentekoste, u ya kha u vhidzwa nga—nga u boroda ha lufhalafhala... u lidzwa ha phalaphala, dzone—dzone phalaphala u lidzwa; phiriodi ndapfu ya tshifhinga. Zwi khagala, ho vha hu maduvha a futhanu, u bva—u bva—u bva nga tshimima tsha pentekoste u ya kha tshimima tsha tshipfumelo, ho vha hu maduvha a futhanu. Zwino, maduvha a futhanu ndi kokotolo sabatha dza sumbe.

<sup>228</sup> Huno sabatha dza sumbe ndi miñwaha ya sumbe ya tshivhidzo, Zwikhathi Zwa Tshivhidzo. Ni a zwi wana? Ni a vhona? Ni a vhona? Zwino, Vhayuda vho pofudzwa, vho lindela lwa tshifhinga itsi tshothe, musi Zwiranze zwa pentekoste two no shululelwa kha Tshivhidzo. Huno ro tsela fhasi nga kha zwikhathi zwa mufelalutendo, na u tsa fhasi nga kha zwikhathi zwa mushandululi, na zwino kha tshikhathi tsha u vhidzela nnda; khethekanyo tharu, Muya wonoyo muthihi; vhunga Khōtsi, Murwa, na Muya Mukhethwa, onoyo Muthihi. Ni a vhona? Fhedzi, Zwikhathi Zwa Sumbe Zwa Tshivhidzo, zwi sabatha dza sumbe.

<sup>229</sup> Sabatha dza sumbe kokotolo u bva—u bva kha lufhalafhala lwa mihevho ya pentekoste... tshimima tsha mihevho ya pentekoste, u swika... U nekedzwa ha khulané ya tshiranze, huno ha mbo vha mihevho ya pentekoste. Huno zwenezwo u bva kha mihevho u ya kha tshipfumelo ndi sabatha dza sumbe, maduvha a futhanu, nahone magumoni a maduvha a futhanu tshi—tshipfumelo tshi a itwa. Ni a zwi wana? Zwino, huno itsi tsho vha tshifanyiso, tsha uri Tshivhidzo...

<sup>230</sup> Musi A tshi dzumbululwa, Ene mune, vhunga Murwa wa Mudzimu, o vha a tshi khou dzumbululela Tshivhidzo nga ndovhedzo ya Muya Mukhethwa, u tsa fhasi nga kha zwikhathi, kha tshi—tshikhathi tsha pentekoste, ni a vhona. Dzulelani u wana two engedzeaho na two engedzeaho; u itwa vho lugaho fhasi ha Luther, u khethefhadzwa fhasi ha Wesley, ndovhedzo ya Muya Mukhethwa.

<sup>231</sup> Zwino ngetshi tshifhinga tsha u vhidzela nnda. Kha Pfundo La Vhurathi, musi li tshi—musi li tshi pfuñuluwa, mutovholo wo kwama Vhayuda, nga vhuimo ho buletshedzwaho; huno hafha hu da mutovholo kha tshivhidzo, nga kuhumbulele kwa vhuhweleli; ngauri, Muselwa o no di vhidzwa. Sabatha dzo fhela, nahone dzo lugela Vhayuda uri vha vhidzwe. U ya ngafhi? Tshimima tsha Tshipfumelo. Oo, tshivhidzo, naa izwo a ni zwi vhoni? Vha vhidzelwa kha tshimima tsha Tshipfumelo, (mini?) u limuwa Tshipfumelo; a

hu tsha vha dzikhuhu na maxantsi, na zwe vha vha vha tshi khou ita. “Ngwana ya Mudzimu, yo vhulawaho tshee shango la tehwa,” Israele i khou yo zwi divha Hezwo.

<sup>232</sup> Dzhielani nzhele, ngetshi tshithu tshihulwane. Sedzani! Yawee, nñenñe! Muya Mukhethwa wo vha wo vhoxwa nga dzidinomineisheni, lwa iyi miñwaha yothe ya zwigidi zwivhili. Ri a wanulusa, Wo ralo. Zwino dzhielani nzhele dzisabatha, sabatha dza sumbe, dzo kundelwa u bva ndilani yothe. Bi—Bivhili yo ri, “Hu do vha na duvha line li sa do vha vhusiku kana masiari.”

<sup>233</sup> “Huno Luñwalo lwothe,” Yesu o ri, “lu fanela u khunyelela.” Naa izwo ndi zwone? I ri ni, “Amene.” [Tshivhidzo tshi ri, “Amene.”—Mudz.]

<sup>234</sup> Muporofita o ri, “Hu do vha na duvha line li nga si kone u vhidzwa masiari kana vhusiku, fhedzi nga tshifhinga tsha nga madekwana hu do vha Tshedza.”

<sup>235</sup> Naa ho vha hu mini? Duvha lenelo lithihi line la penya ngei Vhubvaquvha ndi duvha lenelo lithihi li no penya Vhukovhela.

<sup>236</sup> Tshifhinga tshiñwe na tshiñwe tshine duvha la da nñha, huno la buda nahone la kovhela, zwi amba vhutshilo hanu. Lushie luñuku lwo bebwā, lu tshi shaya nungo, nga matsheloni. I tshi ḥoda u rwa awara ya malo nñha ha tshithoma, lu ya tshikoloni. Nga hafu u bva kha awara ya fuminthihi, lwo bva tshikoloni, ndi mufhiso wa masiari. Zwenezwo li thoma u kovhela, u ya kha miñwaha ya fuñhanu, furathi, fusumbe, fumalo, fuñáhe. Li a dzula hangei nahone la fa; hu uri li do vhubya murahu fhedzi duvha li tevhelaho, huno la ri, “Hu na vhutshilo, lufu, u swiñwa, mvuwo.”

<sup>237</sup> Huno, dzhielani nzhele, vhutshilotshedza ho tshimbila na duvha. Vhutshilotshedza ha kalesa vhune ra vha naho ndi China. Muriwe na muñwe u a zwi divha hezwo.

<sup>238</sup> Naa Muya Mukhethwa wo wa ngafhi? Kha shango la Vhubvaquvha, kha vhathu vha Vhubvaquvha. Huno Mafhungo-madifha o tshimbila na duvha. A bva e ngafhi? A bva hangei Vhubvaquvha, a dzhena Dzheremane, u bva Dzheremane a ya England... O pfuka ndila kararu. Thanganyamashango a dzhena Dzheremane, u bva Dzheremane... U bva Thanganyamashango, u bva Vhubvaquvha, a dzhena Dzheremane, nga kha Thanganyamashango; u bva Dzheremane, a buñekanya English Channel, a dzhena England; a bva English Channel, a buñekanya Pacific a dzhena kha... kana Atlantic, ha dzhena kha la United States.

<sup>239</sup> Huno zwino vhu kha Khunzikhunzi ya Vhukovhela. Ho buñekanya lushaka lwe ha lu tshilotshedza huno ha buda, huno ha bvela phanda. Vhutshilotshedza vhu a enda; Mafhungo-madifha o enda naho. Zwino vhathu vha sa ḥodei

vhothe vha kha Khunzikunzi ya Vhukovhela, he tshinwe na tshinwe tshe ha doba, vhunga gabelo l̄ihulwanesa li no khou dzhena.

<sup>240</sup> Fhedzi muporofita o ri, “Murwa a nga si penye kha ili duvha; li do vha duvha lo rivhaho.” Vho no vha na Tshedza tsho edanaho, vhunga duvha la vhukuma la mvula, vho kona u vha mirado ya zwivhidzo, huno vha tenda Murena, na zwithu zwa u ralo. Fhedzi, o ri, “Nga tshifhinga tsha nga madekwana, makole a do balangana, dinomineisheni dici do puta.” Huno Mafhungo-madifha enea mathihi, Ipfi lenelo lithihi lo itwaho nama, vhunga O fulufhedzisa kha Luka 17:33. Mafhungo-madifha enea mathihi, e na zwenezwo zwithihi, a do itea nga tshifhinga tsha nga madekwana, zwenezwo musi mirunzi i tshi khou tsela fhasi. Mafhungo-madifha enea mathihi, Kristo onoyo muthihi we a tshila namani ngei murahu u rangani, kha vhathu vha Vhubvaduvha, u do tshila hafhu kha vhathu vha Vhukovhela tshifhingani tsha vhufhelo. “Hu do vha Tshedza nga tshifhinga tsha nga madekwana.”

<sup>241</sup> “Mañwalo othe o newa nga u hevhedzwa,” huno a nga si kone u phunyiwa.

<sup>242</sup> Mađuvha mahulu a fuñhanu o fhira. Tshimima tsho pentekoste tsho fhira, sabatha dza sumbe; u swika kha phalaphala, tshifanyiso tsha Tshikhathi Tsha Tshividzo Tsha Vhusumbe. Elelwani, elelwani, ene...fhasi ha Lufhalafhala Lwa Vhurathi, ene Muyuda...Naa ni khou thetshelesa? [Tshividzo tshi ri, “Amene.”—Mudz.] Fhasi ha Lufhalafhala Lwa Vhurathi, vhone—vhone Vhapentekosta la vha landula Bivhili; vha—vha dudelaho, hu si Vhapentekosta la fhedzi, vhañwe vhothe. Tshividzo tsha shango tshi landula Kristo huno O vhewa nn̄a. Huno kha Lufhalafhala lwonolwo luthihi...Huno Pfundo lenelo lithihi, kha ndi ralo, musi Li tshi pfuñululwa, u sumbedza Yesu e nga nn̄a ha tshividzo, a tshi khou lingeda u dovha a dzhena; nga tshifhinga tshenetsho tshithihi, Lufhalafhala lu lilela Vhayuda, huno Vhayuda vha limuwa Tshipfumelo. Vhugala! Haleluya! Yawee, nn̄enñe!

<sup>243</sup> Muya Mukhethwa wo vha wo vhoxwa nga iyi milambo ya dinomineisheni, lwa miñwaha i todaho u swika zwigidi zwivhili, fhedzi u khou yo vhofhololwa nga tshifhinga tsha nga madekwana, nga Mulaedza wa tshifhinga tsha nga madekwana. Muya Mukhethwa wo vhuya murahu Tshividzoni hafhu; Kristo, Ene muñe, o dzumbululwa namani ya muthu, nga tshifhinga tsha nga madekwana. O amba. O zwi fulufhedzisa.

<sup>244</sup> Ho vha na zwiimo zwazwo zwiraru, vhunga ndo amba. Vhafelalutendo, tshikhathi tsha mufelalutendo, tshazwo; huno zwenezwo tshiimo tsha vhashandululi; huno zwino tshifhinga tsha u vhidzela nn̄da.

<sup>245</sup> Musi zwe no vuledzwa, kha Tshikhathi tsha Laodikea, u ya nga Nzumbululo 10, tshiphiri tsha Bivhili yothe tshi do divhadziwa kha Muselwa. Naa izwo ndi zwone? [Tshivhidzo tshi ri, "Amene."—Mudz.] Nzumbululo 10. Thetshelesani nga vhuronwane zwino. Uh-huh. Muselwa, o vhidzelwaho nnda nga Ipfi; Kristo Ene muqe a tshi khou vhidzela nnda Muselwa, a tshi khou vhea khagala Vhaheberu 13:8, uri Ene ha "shanduki mulovha, namusi, na lini na lini," u ita zwi fanaho, u a fana. "Ane a Ntenda, mishumo ine Nda ita na ene u do ita." Ni a vhona? Luka 22...Kana, Luka 17:30, na yone Maleaxi 4, Vhaheberu 4:12, aya Mañwalo othe e a fulufhedziswa, izwi ndi zwa u vha hone vhukati ha Pfundo la Vhurathi na la Vhusumbe, na Lufhalafhala lwa Vhurathi na lwa Vhusumbe.

<sup>246</sup> Munyanya wa Pentekoste u vuledza kha phiriodi ya Lufhalafhala Lwa Vhusumbe, ngauri tshi tevhelaho ndi U Da ha...Pfundo La Vhurathi, ngauri tshi tevhelaho ndi tshiphiri tsha U Da ha Kristo, huno, nahone, Lufhalafhala lu lidzelwa Vhayuda. Lufhalafhala Lwa Vhurathi lwavho lu a lidzwa, huno, musi lu tshi ralo, lu vha divhadza Murwa wa Mudzimu o dzumbululwaho; tshikhala tsha hafu ya awara nthihi. Elelwani, Phalaphala dzothe dici lidzwa kha ili Pfundo La Vhurathi. Pfundo la Vhurathi li vuledza tshiphiri, fhasi ha Pfundo La Vhurathi, zwenezwo musi la Vhurathi li sa athu pfuñululwa.

<sup>247</sup> Dzhielani nzhele, ngeyi Levitiko 23:26. Nqila ine Luñwalo lwa vha kha nzudzanyo! Nga murahu ha phiriodi ndapfu ya pentekoste, ye Israele ya i landula ngei murahu; huno A vhidzela Tshivhidzo tsha Vhannda nnda, nga kha itshi tshimima tsha pentekoste. Naa ndi vhangana vha no pfectesa uri tshimima tsha pentekoste ndi mini? Ndi mutshelo wa... tshiranze tsha khañ, tshiranze tsha mvuwo, tshimima tsha pentekoste.

Ni songo pfukiwa nga izwi, vhatu! Huno, vho inwi kha theiphi, thetshelesani nga vhuronwane!

<sup>248</sup> Itschi tsho vha tshi tshifhinga tsha tshimima tsha pentekoste. Vhayuda vho sokou fhumula; vho Li landula. Zwino vha tea u vhidzelwa murahu kha Tshipfumelo. Ri a divha uri Tshipfumelo ho vha hu Nnyi; vhone a vho ngo ralo. Huno Lufhalafhala lu a lila, nga murahu ha miuvhuo ya pentekoste, lu vhidzela Vhayuda fhethu huthihi. Naa a ni koni u vhona uri ulwo Lufhalafhala, lwa mutovholo fhasi ha Hitler na vhañwe, lwo boroda hani? Huno Vhayuda vho kombetshedzea u kuvhangana, u khunyeledza Mañwalo.

<sup>249</sup> Zwino ni a zwi wana? Vho the vhe vha zwi wana, i ri ni, "Amene." [Tshivhidzo tshi ri, "Amene."—Mudz.] Zwavhuđi. Zwo luga.

<sup>250</sup> Dzhielani nzhele hafha kha Levitiko, 26 zwino, nzudzanyo ya Mañwalo. Nga murahu ha phiriodi ndapfu ya pentekoste, i no

guma nga u vhidzwa ha Muselwa, Muselwa u vhidzelwa nnda nga mulanda. O Landulwaho, a tevhelaho, u ñivhadziwa kha Israele, tshimima tsha Tshipfumelo. Dzhielani nzhele, ngezwi zwi fanaho na zwi re kha Levitiko ndima ya vhu16, zwino, musi A tshi laya tshimima tsha pentekoste...kana tshimima tsha tshipfumelo, fhedzi ngomu afha fhethu vha vhidzwa...

<sup>251</sup> Oo, zwe fhelela hani! Zwi waneni, vhareri. Ni a vhona? Zwi songo ni pfuka, vhashumeli.

<sup>252</sup> Kha itshi tshimima tsha pentekoste, tsho imelwaho kha Levitiko 23:26, kana 23 na 24, ndi tshimima tsha u tungufhala, hu si u vhulaha, ha tshimima. Tshimima tsho vhulawa... Tshipfumelo tsho vhulawa, kha ndi ralo. Tshipfumelo tsho vhulawa. Levitiko 16, zwi a vhambelana kokotolo nazwo. Fhedzi, ngomu afha fhethu, ho vhidzwa Israele uri i de u tungufhalela zwivihi zwayo. Zwe fhelela hani, ñamusi! A si u dovha u vhulawa Hatsho; zwine, Mushe o fanyisa, nga u rwa tombo lwa vhuvhili; a zwe ngo shuma. Hu si u vhulawa, ha tshimima; fhedzi u tungufhala, ha u landula Tshipfumelo. Yawee, nnenne! Ulu lu do vha Lufhalafhala; tshimima, u do landulwa, zwenezwo Mesia wavho u do ñivhadziwa.

<sup>253</sup> Dzhielani nzhele, vha do ñivha Mesia wavho musi vha tshi Mu vhona. U da e na maanda, nga tshino tshifhinga, Uyo we vha mu ñoda. Ú khou ña e na maanda, u itela Muselwa Wannda, huno Vhayuda vha khou yo Mu limuwa. Huno zwenezwo Bivhili i ri... Ri kha ñi bva u fhedza u rera nga hazwo fhano, miñwedzi i ñodaho u swika ya rathi yo fhiraho, kana yo engedzeaho. Bivhili yo ri, musi vha tshi ri, "Naa Wo wanafhi idzo ntho?" Naa ndi vhanganha vha no elelwa Mulaedza? Imisani tshanda tshanu. Ngoho, inwi... Ni a vhona? "Naa Wo wanafhi idzo ntho?"

A ri, "Nđuni ya khonani Dzanga."

<sup>254</sup> Ni a elelwa nne ndi tshi rera nga ha tshi—tshifhinga tsha musi Yakobo o rumela vhana vha Israele ngei phasi u wana zwithu, na zwiliya na zwithu, huno Yosefa a ñiita u nga ri ha vha ñivhi; na nga ndila ye izwi zwithu zwe ñothe zwa bvela phanda, zwenezwo a ñidivhadza? Ni a elelwa? Huno vho vha vho tshuwa nga maanda, vha thoma u tswimila. Zwi fana na vhuleme ha Yakobo.

<sup>255</sup> Huno hafha ri wana Vhayuda vhe phasi ha mutovholo; a vha ñivhi he vha ima hone zwino, fhedzi vha khou vhuya.

<sup>256</sup> Huno musi vha tshi vhona Tshipfumelo tshi tshi bvelela, Bivhili yo ri, "Musi vho no tshi vhona," vha ri, "vha do fhandekanya huñwe haya na huñwe, huno vha tswimila lwa mađuvha, vhunga—vhunga muta wo xelewaho nga murwa wawo e ñethe. 'Naa wo wanafhi idzo ntho?'"

A ri, "Nđuni ya khonani Dzanga." Ni a vhona?

<sup>257</sup> Elelwani, Muselwa o no di vha Tađulu; mufumakadzi wa Yosefa o vha e pfamoni. Huno Yosefa o ngalangadza tshiňwe na tshiňwe tshe tsha vha tshi malugana nae, huno a diđivhadza kha vhakomana vhawé; inwi ni a vhona, Mufumakadzi Wawe na vhana na vhaňwe vho vha vhe pfamoni musi A tshi vhuya murahu u Didivhadza kha Vhayuda. Ngetsho Tshipfumelo. Asuho u lila ha Lufhalafhala Iwanu. Henefho ndi hune vha ri, “Oo!” Naa ndi mini? Ngetsho Tshipfumelo. “Naa idzo ntho dzi bvafhi?” Ngezwo.

“Nduni ya khonani Dzanga.”

<sup>258</sup> Ni a elelwa zwe vhakomana vha Yosefa vha amba? Mulandu, vho ri, “Zwino ri do vhulawa, ngoho lwo edanaho. Ro ita hezwo. Ro ita vhuvhi ho raloho.”

<sup>259</sup> A ri, “Hai, Mudzimu o ita izwi u tshidza vhutshilo.” Ni a elelwa nganea, kha Genesi? Ni a vhona? Ni a vhona? Ngauralo Ene o zwi ita nga iyi ndila, u tshidza vhutshilo ha Wannda, Muselwa. Ha pfi, “Ndo dzi wana nduni ya khonani Yanga; fhedzi ni songo sinyuwa, ni a vhona, ni songo diofha.”

<sup>260</sup> Vha ri, “Yawee, nnenne! Naa zwa vhukuma ro pfukiwa nga u Mu vhona? Naa itsho tsho vha tshi Tshipfumelo, huno Tsho ri pfuka? Oo Mudzimu!” Huno vha ri, “Vha tou diđihandekanya, huno vha ṭungufhala lwa mađuvha.” Naa ndi mini? Tshipfumelo; u ṭungufhala. Itshi tshifhinga, u da ha u diđivhadza, Tshipfumelo, a si tshipfumelo tsha nga misi tshi no khou vhulawa, vhunga kha Levitiko 16. Fhedzi Levitiko 23 ndi tshifhinga tsha u ṭungufhalela, zwivhi zwavho. Huno, zwivhi zwavho zwe vha zwi zwa uri, vhone vho Li landula.

<sup>261</sup> Oo, naa a ni vhoni hune ra vha hone? Naa a ni vhoni uri ndi ngani idzo Phalaphala dici sa ambi tshithu kha riñe? Dzothe dzo lila fhasi ha Pfundo La Vhurathi ḥashu. Inwi ni a vhona zwino uri ndi ngani Muya Mukhethwa u songo ntendela u dici amba? Huno Khotsi wa Tađulu u a zwi diđivha, Bivhili iyi i phanda hanga, iyo ndi Ngoho. A tho ngo zwi diđivha u swika mulovha, mbamulovha; lufherani lwanga henefho he A zwi dzumbulula, a da kha nne huno a amba na nne. Nda vhuya murahu, nda ri, “Mufumakadzi, ndo zwi wana zwino. O tou tangana na nne ngomu henefho huno a mmbudza. Ngezwi, mufunwa.” Ni a vhona? Ni a vhona, ngezwo, ni a vhona, lwo fhelelaho fhedzi nyandoni.

<sup>262</sup> Oo, vhathu vha si Nae, džhenani nga u ṭavhanya! Tshi nga di vha tshifhinga tsha u fhedza tshine na do vhuya na vha natsho. A ni diđivhi tshifhinga tshine A nga da.

<sup>263</sup> Tshimima tsha phalaphala. Bivhili i ri, “Vha do diđihandekanya, nga tshavho, huno vha rabela nahone vha tswimila, vhunga muthu o xelewaho nga nwana wawe e eṭhe.”

<sup>264</sup> Sedzani, ndi ṭoda u amba tshiñwe tshithu tsho engedzeaho. Nga vhuronwane zwino; izwi zwi songo ni pfuka. Zwi mangadza hani! U bva kha Mulaedza wa muruñwa wa vhusumbe (mudinda wa Pfundo La Vhurathi) kha Nzumbululo 10, ho vha hu Pfundo La Vhusumbe, u ya kha Phalaphala Dza Sumbe, vhukati ha izwo zwifhinga zwivhili . . .

<sup>265</sup> Oo Mudzimu, naa ri nga amba hani Ili, u ita vhatheuri vha Li vhone?

<sup>266</sup> Zwi vhukati ha ulwo Lufhalafhala Lwa Vhurathi, na Lufhalafhala Lwa Vhurathi na . . . Lufhalafhala Lwa Vhurathi na Pfundo La Vhurathi a lila nga tshifhinga tshenetsho tshithihi. Huno vhukati ha Lufhalafhala Lwa Vhurathi na Lufhalafhala Lwa Vhusumbe, hu na muporofita a no tea u bvelela phanda ha Vhannda, u vhidzela vhathe murahu kha Pfunzo ya vhubvo ya pentekoste; na ḥanzi mbili dza Nzumbululo 11 dzi a bvelela kha Vhayuda, u vha rumela kha Yesu, musi Tshivhidzo tshi tshi khou takulelwa n̄tha. Vhone vhothe, vhaporofita! Amene! Ipfi la Murena li nga si kone u phunyiwa. Li nga si vhe dinomineisheni! Naa ni a zwi vhona?

<sup>267</sup> Vhalani kha Bugu yanu hafha huno ni vhone arali izwo zwi re vhukati ha Lufhalafhala Lwa Vhurathi na lwa Vhusumbe zwi songo ḥavhelwa ngomu heneffo, u tendela Vhayuda u vhidzelwa nn̄da vhukati ha Bulayo la Vhurathi na la Vhusumbe, ri da kha avho vha zwigidi zwa dana na fuiñaina (ni a zwi elelwa izwo?), zwe zwa vha zwi vhukati ha izwo. Naa ni a elelwa? Vhukati ha la—la—la Vhurathi, Pfundo La Vhuñanu na Pfundo La Vhurathi . . . Vhukati ha Pfundo La Vhurathi na Pfundo La Vhusumbe, ho vha hu na u vhidzelwa nn̄da ha vha zwigidi zwa dana na fuiñaina. Ni a zwi elelwa izwo? Zwino heneffo ndi hone hune idzi phalaphala dza dzhena heneffo ngomu, ni a vhona, na mutovholo, na bere dzo vhofhololwaho heneffo.

<sup>268</sup> Zwenezwo, vhukati ha hezwo, zwenezwo ho vha hu tshi tea u vha na Mulaedza wa muruñwa wa vhusumbe, we a vha a tshi khou rera na u haṭula Vhapentekostala. Huno Yesu o vhewa nn̄da; a sa vhe na tshumisano na muthu, a vhewa nga nn̄da, o landulwa. Bivhili yo amba nga u ralo. Ngauralo, ndi Kristo o vhonadzwaho vhukati hashu, Yesu vhukati hashu rothe, o vhonadzwa nga u ḥamba ha Ipfi Lawe, a tshi Li ḥivhadza. Huno arali izwo hu . . .

<sup>269</sup> Izwi a zwi tou vha u ḥiitisa, dzikhonani. Izwi ndi U RALO MURENA, Luñwalo.

<sup>270</sup> Huno nga tshifhinga tshenetsho tshithihi . . . Zwino, zwenezwo itsi Tshivhidzo (Muselwa) tsho no kokodzelwa fhethu huthihi, Tshi a takulelwa n̄tha; na itsi tshiphiri tsha Pfundo La Vhusumbe, kana Pfundo La Vhusumbe, tshiphiri tsha u ḥuwa. Huno Vhayuda vha vhidzwa nga tshiphiri tsha

Lufhalafhala Lwa Vhusumbe, lune lwa vha vhaporofita vhavhili, Eliya na Mushe, huno vha a vhuya murahu. Huno heneffo ndi hone he Vhapentekosta la vha tanganana tshothe; vha khou ḥoda tshiñwe tshithu uri tshi bvele; Tshivhidzo tsho no di ḫuwa. Huno avho ndi vha u ya kha Vhayuda.

<sup>271</sup> Zwino, ndi a pfa ngomu ha thalukanyo ya muñwe muthu, a tshi ri, "Uyo a nga si vhe Mushe." Ee, ndi ene. Zwino, ni a elelwa, A nga mmbudza mihibulo yañu. Uh-huh. Uh-huh. Ndi dzulela u pfa uri vha.... Zwo luga.

<sup>272</sup> I ri ni ndi ni talutshedze izwo. Ho vha hu Mushe. Ngauri, ngoyu muhumbulo wañu. Inwi ni amba, zwauri, "Mushe, hu nga si vhe Mushe, ngauri Mushe o fa." Ni elekanya uri ndi Eliya. Ndi Eliya, ngoho. Musi, ni tshi elekanya, "Ndi Enokho." Inwi ni ri, "Mushe o no di fa." Fhedzi, elelwani, a nga kona u vhuya murahu vhutshiloni hafhu. O ita. Nga murahu ha miñwaha ya mañana a malo, miñwaha i re na tshivhalo ngavhuya, o bvelela kha Thavha ya Phenyiso. Inwi ni ri, "Nga murahu ha musi munna o no di fa?" Ee, mune wanga. Lazaro o vha o fa; a vuswa hafhu; huno zwenezwo a tea u fa hafhu. Ni a vhona? Ngoho. Uh-huh. Huno na vhavhi vha do vuselwa vhutshiloni hafhu, huno zwenezwo vha tea u fa lufu lwa vhuvhili. Naa izwo ndi zwone? Ngauralo bvisani izwo thalukanyoni yañu. Ndi Mushe. Sedzesani mushumo wañu, zwo tou kokotolo zwe Mushe na Eliya vha ita; vho vala mañadulu huno vha fafadzela mulilo khao. Inwi ni a ñivha tshithu tshe vha ita.

<sup>273</sup> Zwi elekanyeni! Ndi tshifhinga tsha vhufhelo, vhathu. Hañeluya! Duvha ljhulwane la Murena lo sendela. Dikuvhanganyeni fhethu huthihi. Tshimima tsha Mesia; vha do Mu landula, huno vha do wanulusa uri ngoyo Mesia wavho. Bivhili yo amba uri izwo zwithu zwi mangadzaho ngaurali zwi do itea.

<sup>274</sup> Kha Nzumbululo 11, u vhidzwa, mushumo wavho u do vha mushumo wa Mushe na Eliasi vha tshi khou vhidza Israele, uri i bve kha maitele a Vhayuda; u tou fana na Mulaedza wa muruñwa wa vhusumbe wo vhidzela Muselwa nnda ha maitele a Pentekoste. Elelwani, Mushe na Eliya vha tea u vhidzela nnda Israele ha tshipfumelo tsha kale tsha ngwana, na nngu, na malofha, na dzimbudzi, na tshithavhelo, u ya kha Tshithavhelo tshi tshilaho tsha vhukuma, u ya kha Ipfi.

<sup>275</sup> Huno Mulaedza wa muruñwa wa vhusumbe, fhasi ha lwonolwo Lufhalafhala luthihi, tshenetsho tshiñwe na tshiñwe tshithihi kokotolo, Pfundo lenelo lithihi, ndi zwa u (mini?) vhidzela vhathu, Muselwa, nnda ha maitele a Pentekoste na shango, u ya kha Tshipfumelo tsha vhukumakuma, Ipfi, Kristo o edziselwa u vha muthu kha Ipfi Lawe hafha, o itwa ñama vhukati hashu. Saints yo no zwi sumbedza, nga zwifanyiso. Tshivhidzo tshi a zwi ñivha, u mona na shango. Rine ri a zwi

divha ro khwaṭha, ngauri na kathihi Ha athu ri vhudza tshiňwe tshithu kha Ú RALO MURENA nga nn̄da ha tshe tsha vha Ngoho. Naa Ho ngo amba, ngei fhasi mulamboni, “Vhunga Yohane Mulovhedzi o ruńwa, ngauralo uyu Mulaedza...”

<sup>276</sup> Nda sedza n̄tha, huno ndi awara ya fumimbili n̄tha ha tshithoma. Awara ya vhukati ha vhusiku i fhano, dzikhonani, kha rię. Ni a vhona nga n̄qila ye Luńwalo lwa fhelela ngayo? Lwo fhelelaho, nga n̄qila ye Lwa...

<sup>277</sup> Izwo, sedzani, izwo a zwi khou yo vha lińwe dzangano li no do tsela ngei fhasi huno la vhidza Vhayuda. Hu khou yo vha vhanna vhavhili, Mushe na Eliya. Vhuvhili havho, vhaporofita.

<sup>278</sup> Zwino sedzani. U vhidza Vhannda, Muselwa nn̄da, O fulufhedzisa kha Maleaxi 4 u ita zwenezwo zwithihi.

<sup>279</sup> Huno Bivhili yo ri U do vhewa nn̄da ha tshivhidzo, kha Tshikhathi Tsha Vhusumbe Tsha Tshivhidzo. U do vhewa nn̄da ha tshivhidzo. Tshi do vha swifhala tshothe, huno tsha vha... Naa tshi swifhalafhi? Tshi dzhena ngomu ha iyi sisteme ya vhuhuweleli, ngomu ha iyi khoro ya u vhuedzanya, Khoro ya Łifhasi ya Dzigereke. Tshi... O vhewa nn̄da tshothe. Ipfi Lawe, a vha koni u tendelana Nało. Ni a zwi dīvha uri a vha koni. A vha koni na u tendelana kha zwigwada zwiętuku zwavho zwa hayani; naa vha khou yo tendelana hani kha Heło? Ngauralo, vha dzhia luńwe luswayo lwa livhanda, tshifanyiso tsho itelwaho livhanda. Elelwani, Bivhili yo ri, “Ho vha na tshifanyiso tsho itelwaho livhanda.”

<sup>280</sup> Huno ili United States tshifhinga tshothe lo vha nomboro ya vhufumiraru. Lo thoma nga mashango a fumiraru, kholoni dza fumiraru; naledzi dza fumiraru, zwiętrepe zwa fumiraru; nomboro ya vhufumiraru, nahone tshifhinga tshothe musadzi. Li bvelela kha ndima ya vhufumiraru ya Nzumbululo. Huno, tsha u thoma, ndi ngwana; vhulenda, mbofholowo ya muambo, mbofholowo ya vhurereli, na zwińwe-vho; huno zwenezwo vha Łanganedza maanda, huno vha amba nga maanda othe e diragoni la vha li nao phanda halo. Naa ndi mini? Naa diragoni lo vha li mini? Roma. Ni a vhona, lo vha li na luswayo, tshifanyiso tsha livhanda, u vutshela Tshivhidzo tsha Mudzimu tsha vhukuma. Fhasi ha dzidinomineisheni, hu do vha na bulayo ili! Fhedzi, musi vha tshi thoma u zwi ita:

Ngwana i do dzhia Muselwa Wayo uri a vhe  
thungo Hawe misi yothe,

Mavhuthu othe a Tađulu a do kuvhangana;  
Oo, hu do vha bono la vhugala, vhakhethwa  
vhothe vho ambara tshena-tshena;

Huno vhe na Yesu vha do vha tshimimani lwa  
U Ya Nga Hu Sa Pheli. Amene!

“Idani ni swiętule,” Muńe u a vhidza, “Idani ni  
swiętule.” Amene!

<sup>281</sup> Ndi ḫuvha-de line ra khou tshila khaḥo, awara! Shavhani, vhatu, shavhisani matshilo aŋu!

<sup>282</sup> Dzhielani nzhele zwino, u valani, mushumo u no nga muruňwa wa vhusumbe. Ḫanzi mbili, fhasi ha Lufhalafhala Lwa Vhusumbe, zwenezwo hu sa athu...kana, Lufhalafhala Lwa Vhurathi, zwenezwo musi Lufhalafhala Lwa Vhusumbe lu sa athu vule-...

<sup>283</sup> Zwino, elelwani, huno ndo ni vhudza uri ndi do vhuisa izwi, "Lufhalafhala Luhulwane." O ri, naa U do itani, nga hangeno kha Yesaya? O amba, ngei..."Lufhalafhala Luhulwane lu do lila. Lufhalafhala Luhulwane!" Hu si Phalaphala zwino, tshimima tsha phalaphala; hu na mbili dzadzo, Mushe na Eliasi, u vhidza Lufhalafhala. Fhedzi, fhasi ha "Lufhalafhala Luhulwane," U Da ha Murena, u ḫivhadza u vhuya ha Yosefa, ni a vhona, uri tshaka dzothe dici do kuvhangana ngei Yerusalem. Amene. Inwi ni wana izwo kha Bugu ya Yesaya. Ndi kha di bva u ni ŋea yone, tshifhinganyana tsho fhiraho, iñwe ya idzo ndima dze ra dici vhala; afho ndi kha Yesaya 18:1 na 3. Huno kha Yesaya 27:12 na 13, ndi hone hune A lidza ulwo "Lufhalafhala," huno tshaka dzothe dici do limuwa Israele kha shangohaya ḥayo, Mudzimu e nayo.

<sup>284</sup> Zwenezwo Muselwa u do da u vha na Muhwe, huno Muhwe a vha na Muselwa; huno zwenezwo Nwahagidi muhulwane, nga murahu ha musi shango lothe lo no tshinyadziwa nga maanda a athomo. Huno hu do vha na "maṭađulu maswa na ḥifasi ḥiswa," zwi no do tshila lini na lini.

<sup>285</sup> Sedzani, henefho fhasi ha...Zwino dzhielani nzhele, mushumo wa Mushe na Eliya u do...Zwino, muňwe na muňwe u a zwi wana? I ri ni ndi zwi ambe hafhu. Mushumo wa Mushe na Eliya, vhukati ha Lufhalafhala lwa Vhurathi na lwa Vhusumbe, hu do vha na vhaporofita vhavhili vha no do...vha...Israele tshifhinga tshothe i tenda vhaporofita vhayo.

<sup>286</sup> Zwino, ndi ngani Muya Mukhethwa wo mmbudza musi ndi tshi thoma u ya henengei, u vha sumbedza zwauri O vha e Murwa wa Mudzimu, wa ri, "hu si zwino"? Inwi ni a zwi elelwa izwo, kha miňwaha i ḥodaho u swika miňanu yo fhiraho, ndi ndilani ya u ya India? [Tshividzo tshi ri, "Amene."—Mudz.] Ha pfi, "U songo zwi ita."

<sup>287</sup> Nda ri, "Vho ri, 'Arali uyu e Mesia, kha ri Mu vhone a tshi ita tshiga tsha muporofita. Ri tenda vhaporofita.'"

<sup>288</sup> Mukomana Lewi Pethrus na vhaňwe who nthumela idzo Bivhili; musi vha tshi ŋea milioni dzadzo uri dici ye kha avho Vhayuda vha bvaho Iran na huňwe na huňwe, vha tshi vhuya murahu, vha tshi khou ḫikuvhanganya fhethu huthihi, vha tshi vha lushaka.

Nda elekanya, "Itshi ndi tshifhinga tshanga." Ndo vha ndo no di...Cairo, Egipita.

<sup>289</sup> A ri, "U songo zwi ita zwino. Awara a i athu swika." Zwenezwo nda humela hayani. Uh-huh. Yawee, nñenñe!

<sup>290</sup> Mushe na Eliya vha tea u vhidza. Mihuho ya pentekoste i kha di bvela phanda, kana yo ralo u swika nga itshi tshifhinga. Ni a vhona? Zwino tshimima tsha Phalaphala tshi tea u dihwa. Huno ulu nga hangeno lwa Maleaxi 4 a lu na vhułumani na ulwo luñwe lu re hangei; na luthihi, na luthihi. Dzhielani nzhele, sedzani hafha, mushumo u do vha Mushe na Eliya, vha tshi khou shandukisa na u vhidza Israele kha u bva kha maitele a Vhayuda, thetshelesani, u bva kha maitele a Vhayuda e vha tanganana khao. Vhe vhaporofita, vha do tenda—vha do mu tenda, vha tshi vha vhidzela kha tshimima tsha Tshipfumelo, Kristo, vha tshi vha tendela u limuwa Kristo. Vha do ri, "U khou da. U do vha fhano." Vhayuda vha do vha vha tshi khou kuvhangana, zwithu zwa u ralo.

Huno zwenezwo musi A tshi da, u ri, "Nñe ndi hone fhano." Ni a vhona?

"Naa Wo wanafhi ayo mavhadzi?"

"Nduni ya khonani Dzanga."

<sup>291</sup> Zwino, u tou fana na zwe avho vhaporofita vhavhili vha ita! Elelwani, Muselwa Wannda u do tea u vha na muporofita, a no pfi Eliasi, Eliya, izwo ndi u vha vhidzela nn̄da ha maitele, Muselwa; u tou fana na avha vhaporofita vho vhidzela Vhayuda nn̄da ha Vhuyuda, u ya kha Kristo, Tshipfumelo. Huno Vhannda vha vho divha Tshipfumelo, fhedzi ndi tsha u vhidzela Muselwa murahu kha Tshipfumelo tsha vhubvo, hune idzi (fuhñanu) sabatha dza... Idzi sabatha dza sumbe dzothe dze vha bva khadzo; u vha vhidzela murahu kha tshifhinga tsha vhufhelo. Wa vhusumbe... Thetshelesani! Mudinda wa Tshivhidzo Tsha Vhusumbe, mudinda wa Lufhalafhala Lwa Vhusumbe, ndi vhaporofita vhothe. Zwino, izwo ndi zwone.

Vho thavhelwa, vha zwigidi zwa qana na fuiñaina.

<sup>292</sup> Vha tshi khou vhidza, Mapfundo, e a vha a tshi khou ya kha Vhannda. O do tea u ya kha Vhannda, u vulela Vhannda, u vhona Tshivhidzo tsha Vhannda. Ndi zwenezwo fhedzi zwine ra zwi divha. Ndi zwenezwo fhedzi zwine ra do zwi thetshelesa; zwo no di fhiraho. Ri toda Yesu.

<sup>293</sup> Inwi ni ri, "Zwino, lindelani lwa muniti, Mukomana Branham, ndi tenda uri vha khou yo ita itshi."

<sup>294</sup> Tshiga tsha u fhedza tshe Abrahamu... Huno rine ri Mbeu ya vhuñosi ya Abrahamu; Muselwa. Tshiga tsha u fhedza tshe Abrahamu a vhuya a tshi vhona tshiga tsha fulufhedziswaho tshi sa athu da... murwa o fulufhedziswaho a da, tsha vha tshi mini? Mudzimu, nga tshivhumbeo tsha muthu, we a kona u talukanya mihumbulo ya vhathe; munna muthihi, hu si dazeni; munna muthihi, a hu londwi uri hu

na u edzisela hungana. Vho vha vhe na Muthihi, huno O talukanya mihumbulo ye ya vha i ngomu heneffo. Mini? Huno, tshithu tshi tevhelaho tsha bvelela, Abrahamu na Sarah vha shandukela murahu kha muñhannga na musadzi. Ri a zwi ñivha hezwo.

<sup>295</sup> Zwino, ndi a zwi ñivha uri izwo zwi a ni tshuwisa zwitukunyana zwino. Fhedzi, elelwani, u tou itela uri ni vhe na ngoho ya u zwi ñivha zwino... Inwi a ni vhali Bivhili nga *iyi* ndila; inwi vhalani vhukati ha mitaladzi huno ni vhone, na ita uri tshifanyiso tshi de.

<sup>296</sup> Sedzani. Sarah o vha e musadzi wa kale, Bivhili yo amba. Ene, vho... “Mbumbelo yawe yo vha yo fa.” Naa izwo ndi zwone? “Vhutshilo ha Abrahamu ho vha ho fa khae, mbeu yawe.” Naa izwo ndi zwone?

<sup>297</sup> Zwino, elelwani, mbeu ya Abrahamu yo vha yo fa. Nga murahu ha miñwaha ya fuiña o vha na vharwa vha sumbe nga muñwe musadzi. Naa O itani? O shandukisa mivhili yavho.

<sup>298</sup> Sedzani, vho fara lwendo lwa maela dza mađana mararu, u tsela phasi ngei Gerara, lwendo lulapfu vhukumā kha munna wa kale. Ha pfi...

<sup>299</sup> Huno Sarah o vhuya a elekanya uri vha do kundelwa u vha na vhushaka ha muñta. O ri, “Nñe...” Miñwaha ya fumbili kana yo engedzeaho, khamusi, vha sa athu vha na vhushaka ha muñta. Ha pfi, “Nñe musadzi wa kale, na murena wanga, na ene; ra vha na dakalo hafhu, vhunga vhathu vhaswa?”

A ri, “Naa hu na tshithu tshi no kondela nga maanda Mudzimu?”

<sup>300</sup> Dzhielani nzhele zwo bvelelaho. Nga u ñavhanya a rembulutshela murahu a vha musadzi muswa o nakaho. A tshi khou sumbedza, ngomu heneffo, a tshi khou fanyisa zwine A khou yo ita kha Mbeu ya vhuhosi ya Abrahamu, u ñanganedza Murwa o fulufhedziswaho. O rembulutshela murahu kha muswa...

<sup>301</sup> Sedzani, vho tsela phasi ngomu Gerara. Huno ho bvelelani? Abimeleke, khosi, a mu funa, a ri, “Ndi wavhuđi nahone o naka,” huno a vha a tshi khou yo mu mala. Naa izwo ndi zwone? Makhulu vha mukegulu vha kale; na vhañwe vhasidzana vhoñthe vha lunako ngei phasi. Makhulu vha mufumakadzi, “O naka. Ndi wavhuđi ni tshi mu sedza.” Ni a vhona?

<sup>302</sup> Mudzimu o shandukisa muvhili wawe, huno a vha rembulusela murahu. Ndi tshiphiru tshine tsha do tea u dzumbululwa zwino kha lino ñuvha, nga Murwa-muthu, ni a vhona, Mulaedza wa nga mađekwana. Ni a vhona? Vho

rembuluselwa murahu! Huno itsho tsho vha tshi tshiga tsha u fhedza tshe vha tshi vhona, tsho vha (mini?) tshi uvho vhuṭalukanyi, musi hu sa athu da tshanduko ya muvhili.

<sup>303</sup> Huno musi ri sa athu vhuya ra ḥanganedza Murwa, naa hu bvelelani? “Lufhalafhala lwa Mudzimu lu do lila; vhafu kha Kristo vha do vuwa u thoma, muvhili muswa; huno riñe vhane ra tshila huno ro sala ri do shandukiswa, nga tshikhathinyana, nga u poidza ha iṭo,” haleluya, “huno ri do ḥanganedzwa ntha rothe, u ḥangana na Murena tuyani.” Tshipphiri tsho ḫivhadziwa; Mapfundo o pfuṇululwa.

<sup>304</sup> Lufhalafhala lwo lilela Israele; vhaporofita vhavhili vho lugela u bvelela. Naa ndi mini? Tshivhidzo tshi fanela u bva vhuponi zwa zwino, u itela uri vha kone u bvelela. A nga si shumane na vhavhili nga tshifhinga tshenetsho tshithihi; na kathihi Ho ngo ralo. Ni a vhona?

<sup>305</sup> Oo, mukomana, sedzesani! Kokotolo, u vhidza vhothe, u vha vhidzela nn̄da ha dzidinomineisheni na maitele. Zwino ri vhona tshivhidzo tsha tshikhathi tsha pentekoste tsho vuledzea.

<sup>306</sup> Muselwa u fanela u bva ndilani, u ya n̄tha zwino; uri vhalanda vhavhili, vhalanda vhavhili vha Mudzimu, kha Nzumbululo, vhaporofita vhavhili, vha kone u bvelela kha vhupo, u lidza Lufhalafhala Lwa Vhusumbe khavho, u vha ḫivhadza Kristo.

<sup>307</sup> Muruṇwa wa vhusumbe, mudinda, u ri, “Vhonani Ngwana ya Mudzimu i no ḫusa tshivhi tsha shango!” Hu si, “vhonani Mumethodisi wanga, Mubaphuthisi wanga, Mupentekostała wanga.” Fhedzi, “Ipfi, Murwa wa Mudzimu, Ngwana ya Mudzimu i no ḫusa tshivhi tsha shango,” ngauri a hu na miñwe miteo! Inwi ni a vhona?

<sup>308</sup> Naa ri na tshifhinga tshingafhani? Vhayuda vha shangohaya ḫavho. Muselwa o vhidzwa. U ya nga Mañwalo, tshiñwe na tshiñwe tshi tou vha kokotolo zwe A fulufhedzisa. Ro dilugisa. Awara i fhano.

Tshaka dzi khou kwashekana, Israele i khou  
karuwa,

Zwiga zwe Bivhili ya bula;

Mađuvha a Vhannda o vhalwa, o hwala zwi  
ofhisaho;

Vhuyani, Oo no balanganaho, kha waṇu.

Duvha la thengululo li tsini,

Mbilu dza vhatu dzi khou kundelwa nga  
nyofho;

Dalani Muya wa Mudzimu, penyisani mbone  
dzaṇu nahone dzi vhone,

Sedzani n̄tha, thengululo yaṇu i tsini!

Vhaporofita vha khole-khole vha khou zwifha, Ngoho ya Mudzimu vha khou i hana,  
 Uri Yesu ene Kristo ndi Mudzimu washu;  
 (izwo ndi zwone)  
 Fhedzi ri ḋo tshimbila he vhaapostola vha kanda.  
 Ngauri duvha la thengululo li tsini,  
 Mbilu ḋza vhathu dzi khou kundelwa nga nyofho;  
 Dalani Muya, mbone dzañu dzi penye nahone  
 dzi vhone, (ni songo tam̄a nga tshikhala)  
 Sedzani n̄tha, thengululo yañu i tsini!

<sup>309</sup> Muporofita o ri, “Hu ḋo vha Tshedza nga tshifhinga tsha nga madekwana.”

Hu do vha Tshedza nga tshifhinga tsha nga madekwana,  
 Ndila ya u ya Vhugalani ngoho ni ḋo i wana;  
 Kha ndila ya madi, ndi Tshedza ñamusi,  
 Ro swiñwa nga Dzina la vhuthogwa la Yesu.  
 Vhaswa na vha kale, rembuluwani kha zwivhi zwañu zweþhe,  
 Muya Mukhethwa u ḋo dzhena ngomu nga ngoho;  
 Zwiedza zwa nga madekwana zwo da,  
 Ndi mbuno uri Mudzimu na Kristo ndi Muthihi.

<sup>310</sup> Ri hafha! Ri kha vhufhelo. Itsho a tshi tou vha tshiñwe tshithu tsha vhutsilu tsha muthu. Ilo ndi U RALO MURENA.

Kha ri kotamise zwifhañuwo zwashu.

<sup>311</sup> Mudzimu wa Khathutshelo, Jehovah, Ramaandaothe we a bvuma kha Thavha ya Sinai; huno vhathu vha zhamba, “I ri Mushe a ambe, huno hu si Mudzimu, uri ri sa do fa.” Wo amba, Jehovah Muhulwane, “Ndi do vha vusela Muporofita. Ndi nga si tsha amba navho ngaurali.” Fhedzi Wo fulufhedzisa zwine Wa ḋo ita, huno Wo zwi ita; Wo ri vusela Murena Yesu. Ndi ene Ipfi. Wo amba zwauri Ndi Ene. “U rangani Ipfi o vha e hone, huno Ipfi o vha e na Mudzimu, huno Ipfi o vha e Mudzimu. Huno Ipfi a itwa ñama, huno a dzula vhukati hashu.”

<sup>312</sup> Ri vhona zwithu zwe A ri porofitela zwone hafha, nga kha muporofita Wawe, Yohane, kha tshiñangadzime tsha Patimosi. Ri zwi vhona zwo khunyelela, nga u dodombedza. Ri vhona Muya Mukhethwa u tshi vhonadzwa vhukati hashu fhano kha lifhasi. Ri vhona dinomineisheni dzi tshi Mu vhea nn̄da ha tshivhidzo; Ipfi. A vha na tshithu tshi hanedzanaho na vhathu; ndi ilo Ipfi liñe vha li vhenga. Li hanedzana na maitele avho.

U tou fana na musi Wo vha u fhano kha lifhasi, Wo vha u Ipfi, huno Wo vha u tshi hanedzana na maitèle avho; huno vha U posela nda ha zwivhidzo zwavho, huñwe na huñwe.

<sup>313</sup> Huno zwino, Murena, a hu na tshumisano, huñwe fhethu. Na u lingedza u dzhena ngomu Afurika-Tshipembe, hune nda zwi divha uri hu na miñwe mimuya henengei ine i kha di vha yo lindela. Fhethu huñwe na huñwe, huno hu vhonala hu tshi nga a vha nga ntanganedzi, Murena. Hu si nga nthani hanga, Murena; ndi nga nthani ha uyu Mulaedza. Fhedzi, Wo ri zwi do vha nga iyi ndila, huno Wo ri divhadza zwone u itela uri ri si kulee nungo. Ri a divha awara ine ra khou tshila khayo.

<sup>314</sup> Mudzimu, avha vhathe vho dzula hafha matsheloni ano, kha ulu lufhera lu fhisaho, lu bakaho hafha. Vho thetshelesa nga vhuronwane. Vha a zwi vhona zwino, ndi na ngoho. Arali vha sa khou ralo, vha dzumbululele zwone, Murena, uri ndi ngani U songo ntendela u dzhia idzo Phalaphala. Ndi a zwi vhona uri a dzi na mushumo na riñe. Henefho kha Lufhalafhala Lwa Vhurathi li tshi pfuñululea. Nahone ro vhona bono hafha, vhege mbili dzo fhiraho, la u sumbedzelwa phanda ha Muselwa na tshivhidzo, vhunga ndo zwi amba hafha. U tou fana na musi Wo ntsumbedza, Murena, ndo zwi amba. Hafha ri hone. Tshifhinga tshi nga di vha tsho no tuwesa u fhira zwine ra elekanya zwone.

<sup>315</sup> Oo Khotsi, arali hu na muthu fhano matsheloni ano, we—we a tou dzhia vhuiñe vhutendadambi, iñwe thüthuwedzo ya theolodzhi, kana liñwe ipfi la ratheolodzhi lo fhambanaho na Ipfi la Mudzimu! Huno a vha divhi Kristo wa vhukuma, Muya Mukhethwa wa vhukuma. A vho ngo dzumbululewa Lone, Ipfi, u swika zwino, uri Ipfi li tea u vha hani nga liño duvha. Vhone vha vhona fhedzi maitele. Vha khou tshila kha tshone—tshone Tshedza tshi no khou pofudza. Vhunga vhuvemu vhuhulwanesa he ha vhuya ha itwa shangoni, he ha vha England, ho itwa nga tshedza tsha khole-khole. Huno vhuvemu vhuhulwanesa he tshivhidzo Tshau tsha vhuya tsha vha naho, ho vha hu ha musi vha tshi dzhia tshedza tsha dinomineisheni huno vha hana Tshedza tsha vhukumakuma tsha Bivhili, Kristo.

<sup>316</sup> Oo Mudzimu, khathutshela! Tshidza vho xelaho, Murena. Nga khumbelo, ndi humbelo tshifhinganyana tsho lapfaho ziñuku, Yesu. Ri na vhafunwa. Tshifhinganyana tsho lapfaho ziñuku. Hu si kale ilo Tombo lihulwane li do dzikulwa kha thavha. Tendela, Murena, arali hu na muñwe fhano matsheloni ano a si na Iwe, ngavhe vha tshi da zwino, nga u difha, huno vha U ñanganedza.

<sup>317</sup> Musi ro kotamisa zwifhañuwo zwashu. Arali ni tshi do imisa tshanda tshañu, na ri, “Nnyelwelweni, Mukomana

Branham.” A ri na...Dzialiṭari na zwithu zwo dala. Mudzimu a ni fhatutshedze. Itonu ri, “Nnyeelweni.” Mudzimu a ni fhatutshedze. Mudzimu a ni fhatutshedze. Mudzimu a ni fhatutshedze. Nga u tou buletshedza zwanda zwa mađana!

<sup>318</sup> Khotsi, Mudzimu, hu na murunzi muṭuku huňwe fhethu. U tuse, Murena. Vho dzula hafha ngomu lufherani ulu. U songo...Sathane a nga di vha o pofudza mađo avho, zwifhingani zwo fhiraho, fhedzi ndi a rabela uri U tsinye iṭo kha hezwo, vhunga Wo ita kha riňe maduňha manzhi o fhiraho. Fhedzi zwino ngauri U a ri vhidzela rothe kha u vhona... Bivhili yo amba zwauri vho vha vho pofula. A vho ngo zwi ḋivha. Ha pfi, “Ndi a u funzedza uri u renge mushonga wa mađo kha Nne.” Mudzimu, shumisa mushonga matsheloni ano kha mađo avho, uri vha kone u vhona. Naho zwo ralo tsho tukufhala, kha tshivhalonyana tsha vhatu vho tukufhalaho; huno vha tshi ḋitukufhadza, vha songo funzea, na zwiňwe-vho, fhedzi naho zwo ralo iyo ndi ndila ye zwa vha zwi ngayo u rangani. Zwi tendele, Murena, uri vha Li ḃanganedze zwino. Ndi vha nekedza kha Iwe, nga Dzina la Murwa Wau, Yesu.

<sup>319</sup> Huno Wo amba wa ri, “Ane a pfa Ipfi Langa.” Huno ndi na ngoho, Murena, u ya nga ndivho yanga ya khwinesa, vho Li pfa. “Huno a tenda kha Uyo wé a Nthuma,” hu si u ḋitisa, fhedzi a tshi tenda zwa vhukuma, nahone a tshi tenda zwe Ipfi la amba. “U na Vhutshilo ha lini na lini, huno a nga si de Khaṭhuloni; fhedzi o bva lufuni a ya Vhutshiloni.” Yohane 5:24.

<sup>320</sup> Tendela, Murena, uri vha vhe Vhau, u bva kha ino awara u ya phanđa. Arali hu na u mangala ḫalukanyoni dzavho, u tuse. Arali hu na muthu a lwalaho vhukati hashu, i ri Muya Mukhethwa muhulwane, Murena...Zwine, nda zwi ḋivha uri u hone; huno a tshi khou dzumbulula mihungulo, o ima hafha kha pulatifomo. Vha a ḋivha zwothe nga hazwo. Ndi rabela zwauri U vha fhodze, Murena. Fhindula mbudziso dzothe.

<sup>321</sup> Dzivha li do vha lo vulwa kha avho vha sa athu mbwandamedzwa nga Dzina la Yesu Kristo na kathihi, vha tshi dzhia Dzina la Muhwe. Vha na la dinomineisheni, la vhuhuweleli; a hu na na muthihi we a vhuya a lovhedzwa nga maimo a “Khotsi, Murwa, na Muya Mukhethwa,” kana a shashiwa; na izwi zwithu zwa maitele zwi re zwa zwivhidzo zwa tshino tshikhathi, ndangulo ya mu-lwa-na-Kristo, tshifanyiso tsha livhanda. A hu na muthu we a vhuya a lovhedzwa nga dzina la “Khotsi, Murwa, Muya Mukhethwa,” u swika kha tshivhidzo tsha Katolika. Bivhili yothe, na divhazwakale yothe, nga murahu, zwi ri vho lovhedzwa nga Dzina la Yesu.

<sup>322</sup> Paulo o amba, kha Vhagalata 8:1, “Arali naho Muruňwa a bvaho Ṭadulu a da huno a rera maňwe Mafhungo-madifha-vho, nga a seňwe.” Huno Iwe wo laya avho vhatu vhe vha vha vho lovhedzwa fhasi ha Yohane, onoyo muthihi we a lovhedza

Yesu, u da huno vha lovhedzwa hafhu nga Dzina la Yesu Kristo, kha Mishumo 19. Huno ha pfi, "Ni songo vhuya na tendela Muruňwa u ni vhudza tshinwe tshithu-vho."

<sup>323</sup> Hu do da mudinda nga duvha la u fhedzisela, u do endedzela vhathu murahu kha zwiranzhe, murahu kha Lutendo lwa vhubvo. Zwi tendele, Murena, uri uyo Muđinda muhulwane a re vhukati hashu zwino, Kristo muhulwane, Muya Mukhethwa wo ita uri zwi pfale, wo ita pfeseso, u tshi vula Ipfi na u Li dzumbulula kha rine, ngavhe U tshi vha endedzela murahu kha Lutendo lwa vhubvo, lwa pentekoste. Vhunga Petro o amba, nga Duvha la Pentekoste, "Shandukani, nothe, huno ni lovhedzwe nga Dzina la Yesu Kristo u itela khangwelo ya tshivhi." Huno zwo mbo vha nga iyo ndila lini na lini, kha muthu muňwe na muňwe, u swika kha tshivhidzo tsha Roma ngei Nicaea.

<sup>324</sup> Mudzimu, khathutshela zwino. Dzivha li do vha jo luga; mbilu dzo vulea. Dzhena ngomu, Murena Yesu. Ri kha awara dza u fhedzisela. Arali hu na khonadzeo, Murena, ya uri vhone vha dzhene ngomu nga ino awara; zwine, ndi a fhlufhela na u fulufhela uri i hone. Huno rine vhanie ra vha ngomu, Murena, ngavhe ri tshi ditola zwino, uri ro vhone nahone ra pfa Ipfi la Mudzimu li tshi khou amba nga kha Ipfi Lawe, huno ri a divha uri ri khou tshila kha awara-de. Zwi tendele, Khotsi. Ri vha kumedzela kha Iwe, nga Dzina la Murwa Wau.

<sup>325</sup> Zwino ro kotamisa zwifhaňuwo zwashu.

Yesu u khou vhidza o dzika nga vhulenda,  
U khou vhidza inwi... 

### TSHIMIMA TSHA PHALAPHALA TSV64-0719M

(The Feast Of The Trumpets)

Hoyu Mulaedza nga Mukomana William Marrion Branham, u rangani wo newa nga Tshiisimane nga matsheloni a Swondaha, Fulwana 19, 1964, Thaberanakeňen ya Branham ngei Jeffersonville, Indiana, U.S.A., wo dzhiwa kha rekhhodo ya theiphi ya maginete huno wa gandiswa u songo pfuhifhadzwa nga Tshiisimane. Heyi thalutshedzo ya Tshivenđa yo gandiswa huno ya phađaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)